



05155

蘭官集 卷七

江南涇縣趙紹祖琴士手鈔書

朱琇字玉存號蘭坡江南涇縣人嘉慶壬戌進

士曾官翰林院侍讀今官編修著有小萬卷

齋詩藁蘭坡愛書如命學有本源所著詩卓犖沈雄取材甚富而能運以清空之氣人知其以才勝而不知其以學勝

也集中諸體皆善五七古尤為佳妙

過石龍溝

側徑緣孤繩。山容忽破碎。片石勢飛動。層雲起其內。嶄絕兩壁立。崔嵬土恒戴。鬼神守陰崖。終古不

蘭言集

卷七

敢敗。陂陀四復凸。轉入井陘隘。馬力亦告乏。懦若蛇倒退。塵世多險途。鼓勇老行邁。但作平等想。萬事摠无礙。出谷天朗開。劃然分兩戒。四顧迷人蹤。瑤琴瀉寒瀨。

冒雨過羅睺嶺

陰雲草層岡。低空鴈飛急。行滕忽結束。苦向僧借笠。草草出寺門。裳衣已滌濕。秋山雨益奇。前望如弗及。巖腰亘碕嶺。南北同岌岌。捫壁幽以深。千里躡苔級。輿丁踏崖罅。凜若膚起粒。怪石當面橫。孤撐作人立。屏息不敢嘯。恐是龍所蟄。天際飄風來。

隱聽山鬼泣。密林融冷光。聲清氣亦澀。放眼極蒼
莽。羣峰競相揖。步驟謝公

關蟋蟀用韓孟聯句體

秋風動寒砧。靜聽簫管奏。么蚺驚獨跳。兒童喜先
購。潛行炷鐙燄。細剔扶巖竇。辨響識強弱。量形揣
肥瘦。號錫壇上登。資雄市中貿。澤光或如漆。芒角
皆有青。蛙怒軾可憑。鶴乘甲堪授。合効鄒魯閔。欣
觀蠻觸鬪。珍茲瓦盆開。藉爾草鞭逗。兩陣各張軍。
空卷無虛鼓。蓄銳蜂目睨。伺殆鼠牙湊。生機本陰
妬。得勢遂馳驟。蚌持鷗難飛。螳捕蟬在後來。已戴

蘭言集

卷七

二

吾頭立將絕。其脰毫挫何稍怯。氣增轉相就。七縱
七擒能三戰。三北又賈餘。妨兔脫矜勝。喧雉雖拚
為拔。螫顛肯作曳。兵走英心却。勅敵努力迫。窮寇
監腦睛宜瞑。翻膺爪亦透。收局羣動顏。策勳獨披
繡。恩深咸廝養。彩奪侈殷富。豈爭誰變風。戲劇早
沿舊。唐都萬金費。宋宰半閒搆。物雖眇。宵翹時乃
關。傾覆不若留。清聲苔階月。明候。短兵相接氣驟力勁尤難其屬對與用韻處無

牽扯湊泊之痕

泛舟大明湖至小滄浪宴集二鼓乃返

湖光倒映天光綠。更納山光入空腹。山頭明月時

時來清光照耀湖天開。平湖浩渺凌千頃。記得江南舊風景。江南江北歌采蓮。畫梁屢泛山陰船。年來此地簪纓滿。攬袖登樓奏絃管。蕭然野趣如滄浪。秋風尚剩芙蓉香。菱絲纏綿藕絲纈。滑笏清流散珠屑。可惜滿眼蘆花稠濛濛。舞雪飛打頭縱橫。界破銀光鏡。恰似穿花入蘿徑。招延暝色憑闌干。露衣不畏新霜寒。我輩天涯作重九。共醉茱萸一杯酒。蘭亭觴詠今如何。高譚未已湖生波。夜深歸舟燈火亂。驚起魚蝦櫓牙窟。淋漓跌宕筆意極似高青印

學使錢黼堂師招同姚秋農前輩觀釣笑泉

蘭言集

卷七

三

大聲如雷鳴。小聲如箭激。跳波三尺飛。雪瑩散作瓊瑰向。空擲傍有蟹眼浮。冷泠酒槽溜滴珍珠瓶。沿廻入港益清駛。藻荇涵白菰蒲青。濟南名泉七十二萬斛。靈源不擇地。天留此水垂千春。陸羽盧仝得真味。嘉禾使者如冰壺。飄然歸思生莖鱸。却屏騎從矢幽討。竹筴欲剖坡公符。籠頭紗帽手煎茗。耳聽喧闐氣彌靜。道心寂歷空山中。自瞰澄潭抱孤影。春風座上尋鷗盟。赤壁二客欣偕行。平生雅志在邱壑。竊恐浣濯慙塵纓。清音何必絲與竹。兀坐苔磯把秋菊。禪房花木致亦佳。終日臨流意

良足觀瀾亭畔風吹衣。儵魚相對渾忘機。扶踈老

樹下黃葉。浩歌興逐蒼烟飛。吳興遺碑不可遇。原注壁間

多和趙松雪詩原碑已廢漫向迴廊覓奇句。前修悵望同襟期。欲

踏輕莎涉波去。君不見平汀野鶴霜毛寒。原注亭上有來鶴亭

二鶴樓爲人生安得如汝閒。仰視長天白皎皎。俯飲一勺

清潺。

自龍潭綠澗行水石之勝乃西山最幽處

山泉出山攔不住。白石縱橫阻其路。石伏如虎昂

如龍。百折始見泉流通。泉流有聲石有罅。激作輕

波向空射。冷欲透骨清沁肌。潺湲澗上遊人衣。澄

蘭言集

卷七

四

光滿地鋪銀汞。細數沙痕亦浮動。泉響愈厲神愈

恬。垂紳盡挂珍珠簾。珍珠簾下成潭湫。石髮隨流

散濃綠。一泉一石都在山。石恐泉飛去不還。泉行

喝石與石語。放我飛騰作甘雨。西山真武洞真

太史慈槍頭歌

英風颯爽驚滿庭。兀上怪發光熒熒。金精射人不

敢觸。逼視始覺苔痕青。長一尺強厚寸弱。未銳旁

殺摩霜刃。依稀臘廣脊微聳。細審厥制非青萍。乃

知流傳古槍段。尚有斷秘名留聲。東萊子義稱義

士。當年搏戰聞神亭。然諾肯負孫討逆。激昂意氣

無徐丁。海昏駭賊力能制。摧堅陷壘身曾經。應賴
茲物託生死。髑髏濺血猶餘腥。無端遷轉落誰手。
淪沒遠在山之陘。藏鋒斂鍔幾何代。撫呵地下煩
幽靈。月夜時時欲騰躍。由來寶器終難扁。居民鋤
菜偶然獲。百錢易買同錘釘。周覽款識忽嗟歎。遐
烈莫漫輕芴莛。入土剛姿幸完固。但綴繡澀如繁
星。鄉閭朴誠豈工偽。未湏真膺區哇町。旁攷舊志
證前史。丹陽太守屯吾涇。惟呂虔刀典韋戟。照耀
與共垂千齡。安得緘鐻作珍玩。貯以藤篋鐫新銘。
佩之入山險。不畏坐令魑魅潛其形。

蘭言集

卷七

五

同人賞花有嘉樹軒時靜齋家兄奉使甘肅
未回故以劉夢得畫是劉郎去後裁句分
韻得畫字

清明寒食節已過。雪斷郊原緒風緊。催花火速嫌
尚遲。日向東皇占兆朕。天葩一夕倏驚發。報到園
丁信初準。詩朋夙約慶時芳。匆匆折柬應難忍。須
臾履跡交參差。急闌櫺窻倚欄楯。窺籬却復展幽
步。早有枝頭異香引。眼看繒綵紛歲豔。真色未容
人續純。就中都冶悉具態。專房寵孰分邢尹。明粧
衫服照亭軒。意象差堪壓窮窘。近取穠華即饒足。

招提底用勞羈勒。拍浮期共罄歡賞。拚醉今宵衆
咸允。雜然命坐當空庭。觴政毋苛肆嘲黷。仙子珊
珊似來會。片霞恰喜臨杯隕。心祝春事永不闌。閒
對千回興無盡。留連此地忽成憶。瞥見流光疾飛
隼。賓筵去歲曾先開。我正鄉閭啖新笋。依舊縑塵
染京洛。阿兄又駕臯蘭軫。撫茲嘉樹瞻星軺。封殖
合除蟲蝨脗。休教寓室輕毀傷。枯條竟待收薪稠。
媽紅姹紫際方盛。竊恐黃金擲虛牝。豪情欲縱忘
羸軀。獨畏涼颼覺衣袵。顧惟平生騁塗抹。捫顛頗
愧非雲。今踰躑猶逐少年狂。過景霜毫自研吮。不

蘭言集

卷七

辭拈韻作前導。扛鼎筆孱甘絕贖。諸君幸各攄襟
懷。相如豈必枚臯敏。酒酣飄落研光帽。吟句告花
花勿西。妥帖排弄轉折盡情
音節氣韻儼然昌黎

得靜軒家兄吳門書却寄

蘇臺一枝柳。薄送到燕關。作客並天末。知君思故

山。况經多病瘦。終願早歸閒。望遠忽成憶。蒼烟

水間。高格

有思

覆屋天成幕。馳思倍鬱陶。樹疎留雀衆。風緊托鷹
高。十載身如寄。三秋首重搔。倘符身後約。歸訪水

西桃

時聽濤軒觀雨

樹杪忽飛瀑。空堂生晝寒。山風驅屋動。野水拓池寬。歛歲三農愜。浮蹤半載安。此間清賞極。頻攬玉

壺看。

望家書不至有懷

門外又芳草。白雲相對閒。音書遲驛路。夢想到鄉

關。袂滿鷺行水。葉稀蠶上山。短筇曾幾度。高倚翠

微間。

起超

新秋園中即事

蘭言集

卷七

七

葉落庭柯歲又更。園林久習倍關情。夕陽紅蓼有秋意。孤鴈碧天多別聲。熟客相依耽語慣。炎官漸減覺身輕。呼僮甕盎勤料理。早供黃花入座橫。五六自然

雪後出廣寧門送諸子返里既別有懷

十載羈遲鬢欲華。都門送遠幾停車。建櫜士返知

寧盜。

原注時遇凱還

聯襪人歸苦憶家。前路雪霜增別思。故

園櫻筍足生涯。計程到及江南雨。簾外春寒賣杏

花。

胡敬字以莊浙江仁和人嘉慶乙丑會元今官

司經局洗馬安徽學政所著有崇雅堂集六

卷

先生諸體脩美七古尤佳妙在不名一體如古諺諺如古樂府而王揚之明麗李杜之豪宕元白之鋪陳溫李之穠豔乃能無

而有之

歲暮吟答項蓮峰

讀君歲暮吟。使我腸斷絕。君吟一何悲。有子去秋歿。我吟今更悲。有弟春前卒。憶昔七年前。夜侍老親側。覩縷舊時事。一一為敬說。汝上有三兄。長者歲三十。倘能身俱存。足代耶筋力。命也可奈何。天不憖遺一。先汝次第亡。汝未見顏色。及今復三人。就中汝稱伯。耶幼多苦辛。未老髮全白。羸病卧經年。難復冀延息。回頭指幼弟。欲語久於邑。以是藐

蘭言集

卷七

諸孤。未及見成立。渠頗眉宇清。才料非汝敵。親朋每見許。謂是駒汗血。汝好善視之。凡事慎撫卹。最之敦五常。最之親六籍。庶幾成弟名。是亦稱子職。耶死苟有知。地下心亦悅。長跪受遺言。椎心箆竟易。狂飈起天末。白日飛霹靂。同作苦孤兒。相對泣幽咽。遺言猶在耳。課弟敢辭責。聰穎弟性成。自幼愛文術。嶷、隨阿兄。孤館永朝夕。從兄受孝經。大義了能晰。從兄次風詩。上口無一失。旁及易與書。次第業就畢。二豎何不仁。五載遭沈疾。試方恨庸醫。謬誤投藥石。相依十五年。一旦成永訣。調護負

為兄。即死罪難釋。棣棠駢枝生。鴻鴈飛接翼。接翼
警相呼。駢枝庇華實。物類且如此。人生獨離圻。感
此心。悽然終歲閣吟筆。今朝把君吟。長觸淚霑臆。
記得去年冬。弟病方增劇。藤床晝擁衾。畏對風。栗
列殷勤執。兄手難。字尚求。識謂待。轉陽和。行理舊
書冊。此景如目前。庭樹又積雪。書冊紛縱橫。塵泥
雜鼠跡。棄置敞篋中。酸心忍。開閱君哀。幸少減。莫
蹈西河轍。矧此懷抱中。已有呱呱泣。我哀更無涯。
長抱西堂惻。春草生池塘。是弟彌留日。欲知友愛
情。此身難再得。

縱筆寫去側。八情後幅尤令人不忍卒讀

蘭言集

卷七

九

汪選樓寓園海棠盛開予過賞折一枝携歸
明日選樓來云海棠經風雨落矣出惜花
二律屬和成古風二十八韻

冷節逢禁煙。微雨霽撥火。嬉春憶明湖。蠟屐游未
果。謁來過閒園。照眼春澹沱。海棠一株繁。壓檻開
萬朵。多君雅愛客。導我花底坐。日高睡初起。風約
枝半韞。繁英落生衣。一片晴霞裹。側思豪家游。冠
蓋鬪嵯峨。清歌侑金尊。雲髻垂鬟髻。吾曹薄祿相
煮茗。對亦可持贈。還荷君分我。紅一顆。携歸詫妻
孥。燈下一笑嗟。染指已諳味。賞心安用夥。昨來示

我詩深道花坎珂。東皇不解惜。一夜風堀堞。曉起
急開簾。絳雪飄砢砢。護惜無金鈴。難免墜樓禍。矧
茲白楊巷。主已非何妥。之子過花期。將鼓金陵柁。
原注園為許青士所居是時有
都中之行而園亦將易主矣對花不忍別。戀此嬌無那。難

期後來人。解事亦如我。但恐到花開。日閉歲牀鎖。
由來金屋藏。孤負千嬾娜。情長語繾綣。妙緒同爨
輶。平生慣作達。持論與君左。愛花不解種。抱甕情
久惰。隨處但借觀。自謂樂亦頗。快意貴當前。且泛
明湖舸。逢花便勾留。解衣槃礴羸。比似海棠顛。當
鑪醉白墮。

蘭言集

卷七

十

得查春山頌南書卻寄

嶺南山。水世所稀珍。怪窟宅。仙靈棲。平生足跡縱
未到。水經地志。一吾曾稽。湖遵彭蠡。汎舟楫。山
陟庾嶺。勞輪蹶雲封。寺高鴈愁度。湏陽峽險猿哀
號。問君胡為往此地。田無負郭難扶犁。堂上有老
母。菽水不足充朝飢。膝下有佳兒。舊物絕少青氈
貽。依人作計聊爾。登高望遠長悽。竭來裁書
肯寄我。讀之不異親攀躋。中云羅浮山。是海嶠最
奇處。高峰四百三十屹。立無端倪。風雨離合可望
不可到。瓊樓玉宇萬丈相鈎梯。麻姑之裙化作五

色蝶。龍蔥巨竹上與浮雲齊。想君攀蘿捫葛到絕頂。定有仙人佛子拍手相招携。其餘花田珠浦風景各媚好。浮邱越秀亦足登陟扶青藜。荔支瑤柱足亦療飢渴。寶藏况有珊瑚玳瑁象貝通天犀。從來物美猜忌集。莫學蕙苾貪載遭訶詆。吾聞唐之劉夢得。韓昌黎。先後宦此輕裝齎。颶風鱷魚蕩心魄。蠻花犵鳥探山谿。興酣放筆滴下磊落千珠璣。至今幽厓絕壑往往剩遺句。暇時好為撫拾寄我勤封題。吁嗟乎儒生貧賤少快意。無奈旁人踣促眉長低。報衙聲裏啖冷炙。何似茅檐兀坐餐黃齋。

蘭言集

卷七

十一

山梅著花春酒熟。壽觴稱獻黔婁妻。鷓鴣峰頭一回首。知君此際心酸嘶。關山遙々四千里。夢魂不到明湖西。行當火急辦歸計。故園楊柳已是三生梯。

書查春山嶺南紀游詩後

興公賦天台。身未天台去。瓊臺與朱闕。一一以神遇。三山五嶺亘煙霧。自是東南絕竒處。平生足不出戶庭。空向詩人集中睹。讀君紀游詩。深我遠游慕。洞庭連天彭蠡遙。安得長風片帆渡。男兒弧矢懸初生。要當萬里縱橫行。閉門終歲作書蠹。胸中

五嶽何由平。君才跋浪滄。溟鯨倒屣處。處公侯迎。
東登泰山北。燕京萬里飲。馬秦長城。原注君庚戌歲自樂京還赴粵壯
游磊落襟抱豁。奇氣抒瀉江湖傾。邊城日落笳亂
鳴。悲歌慷慨多商聲。掉頭去釣南海水。紅蕉花下
千詩成。嶺雲迢迢。秋月明。聞笛忽動關山情。行裝
檢點書接軸。三載歸來舊茅屋。瑤編手把示故人。
戢多於筍一束。海風吹盡塞上沙。齒頰香染花
田花。桄榔實青扶荔叢。收作吟料饒風華。人生有
才志自賒。跌宕未肯懸征車。昨來苦道不稱意。欲
更嶺海探烟霞。舊游重到倘得句。願早寄我天之
蘭言集 卷七 十二

孫秀姑詩

勒貞珉。建華表。楔綽煌煌。墓門道。姑死近百年。姑
名人共曉。烈女流傳世不少。難得如姑年最小。解一
姑生貧窶真可嗟。待年弱小來壻家。壻身遠逐父
作客天之涯。相依老姑度歲華。隨姑閉門搥紡車。
何曾解堆雙鬢雅。天然自佳麗。人人道女顏如花。
解二閭虎欲逐。往來里中熟。閨女如花欺女身。孤
獨突入女屋持女足。女驚鬻虎。爪血淋漓。虎逸
女悲嘯。心不甘虎辱。解三防虎復見侵。上告姑氏聞。

姑憤出走號於門。東鄰西舍相過存。聞言罵虎生
怒。嗔各各髮上指。願與虎理論。解四負荆強虎登門

謝。虎迫人多氣為下。乾笑向姑前。卑詞禮虛假。姑
憤擲以甌。誤中其曹面。流赭。虎乃大咆哮。汝今恃

鄰作城社。好意存汝顏。汝反虎鬚惹。里中豪族且
無奈我何。何況汝身寡。汝晝能求人。夜且求誰者。

大聲呼女名。不能致汝非夫也。解五女聞心慘傷。慰

姑旋入房。入房密縫衣裳。含酸仰鹵汁。一死何
蒼黃。稍遲恐身為虎狀。虎夜排闥入。赫然見尸橫

在牀。流汗夾背走且僵。姑驚起視。摧中腸。平明呼

蘭言集

卷七

十三

冤來縣堂。解六排衙縣官出。覽狀狐疑心不決。何物

小女奴。肝膽如此烈。虎援吏胥暗關說。縣官容情
不與直。道女自輕身。糊塗將案結。沈、海底冤。天

高向誰雪。解七天雖高。恢、有網疎難逃。桐棺三寸

蓋不牢。棺中香氣氤氳飄。大吏知此異。廉實聞于

朝。命下虎首即日梟。香墳明聖湖頭標。解八嗚呼。宋

武穆。明忠肅。與此墳成鼎。三足南山之南北。山北

一般芳草墳。前綠志不可辱。身可戮兒女英雄同

一哭。解九

憐春曲 有序

西冷憐春女。姓嚴氏。少失母。父貧。無行鬻
女。為何氏婢。氏孀。居憐之。視如己女。兄子
雙魚。檀弱冠。喪偶。以許字之。未嫁也。會里中賽
社。何氏偕女出觀。為富家某所窺。貨其父
贖還。因購作妾。女至富家。悲號不食。三日
自經死。其戚家為余道其事。甚詳。作此弔

蘭言集

卷七

十四

閨。菱。婦。眷。雛。年。嬌。女。平。陽。一。例。憐。絕。勝。明。珠。擎。掌
上。幾。曾。團。扇。泣。花。前。相。憐。資。作。閨。中。伴。銀。鴨。添。香
夜。來。慣。日。高。慵。起。捲。簾。遲。小。字。琵琶。鴉。鳴。喚。鬪。茗
圍。棋。樂。事。多。嬌。癡。渾。未。解。牽。蘿。櫻。桃。花。底。歲。粧。鎖
楊。柳。風。前。懊。惱。歌。風。前。戍。削。腰。如。束。十五。盈。還
十六。碧玉。韶。年。正。破。瓜。青。琴。有。客。彈。孤。鵠。孤。鵠。飛
來。阿。母。家。母。因。含。笑。指。如。花。擬。將。交。甫。懷。中。佩。繫
作。雙。成。臂。上。紗。交。甫。丰。姿。原。玉。映。曉。妝。舊。識。雙。成
靚。聞。把。鮮。卑。續。斷。絃。願。同。溫。嶠。輸。明。鏡。偕。行。女。伴
暗。評。量。鴻。鸕。今。朝。化。鳳。凰。同。在。瑤。池。掌。書。記。妒。佗

如願逐蕭郎。相逢從此還相避。肯使猜嫌惹瓜李。
烏鵲雙星會。有期波瀾古井翻空起。惱煞笙歌動
地來。等閒吹使繡幃開。裝成七寶移春檻。扶向三
條走馬街。銅街十里遙相望。玳瑁裁簾花作幔。玉
樹風前嬌不勝。金錢市上輸爭看。爭看游人忘却
歸。就中有箇暗涎垂。可憐乳燕雛鶯態。盡被狂蜂
浪蝶窺。蜂蝶餘香爭戀。重門歸去無由見。濫從
鳩鳥訴相思。求與春風作方便。便來家下委文禽。
換羽移宮用意深。十斛願償金谷價。百緡先買阿
耶心。阿耶縱博家蕭瑟。欲鑄黃金苦無術。甘心嫁
與寧馨兒。入手貪他阿堵物。不惜傾貲贖汝還。
還將巧語賺雙鬟。儘誇琪樹真連理。諱說枯楊訂合
歡。巧偷不遂思豪奪。孤立欺佗女貞木。得勢秋胡
袖裏金。無輝雍伯懷中玉。女聞耶計暗聲吞。催促
朝。耶在門。劫取竟同沙叱利。訪來何處墨崑崙。
崑崙情。知欲住。無由住。卻顧空閨非死處。強飾妝辭舊
主。前誓拌生向佗家去。一死佗家去不難。祇愁身
去主孤單。玉釵銀釧都留在主好。佗時當妾看別
有深情苦難剖。筍輿扶上恩。走瞥見難禁陸展
狂。一聲早聽河東吼。河東莫漫妒羅敷。傳語羅敷

自有夫。分已樂昌成破鏡。料難合浦得還珠。防閑
忍死留三日。覷便纖羅掛東壁。蛇醫驗取舊紗封。
一點猩紅可憐色。仍是青蓮不染身。拈花笑果悟。
前因傳來倩女離魂信。拭盡何郎傅粉痕。粉痕拭
盡終何益。從此玉簫聲斷絕。決絕裁成薄倖詞。來
生願作雙飛翼。見說長眉昔未描。有人曾見早魂
消。重來杜牧傷春晚。一去秦樓竟夢遙。尊前聞語
還相慰。幸未花枝落君手。甘為韓憑了一生。即逢
蕭史寧回首。西子湖頭桃李春。一番風雨總成塵。
不堪鳳坼釵分怨。多在花明雪艷人。雪魄冰心得花明
柳媚之筆寓之婉

蘭言集

卷七

十六

約流麗極似吳梅村學元
白之作此女為不死矣

蜀鵲行為蜀女周蘭卿作 有序

影時蘭卿名絳虹。蜀江州人。父周文銘。官粵西
徵重。朱龍城。淄中令。女隨宦粵西。周卒于官。女時
生。鵲於纜。十齡。墮。奸僕計流落平康里。中楚人王
盡發。子山。憐之。贖以歸。訂為筮室。父聞大怒。作
簡因翰書以絕其子。王抑鬱不自得。病瘵死。蘭卿
一悲。跡擬扶櫬歸。塋先作書以告其父。置不報。羈
棲異土。子然無歸。遂抱沈疴。齎恨而歿。年
自齊夫止十有六。旅葬桂城西。鄙女明慧多才。嘗

作詞有人為情生當為情死之語嗚呼蘭
卿真以情死矣吾聞粵西多佳麗昔石季
倫以珠十斛聘梁氏女至今梧州有綠珠
浦在焉以蘭卿較之其視墮樓之薄命何
如也馮子放山自粵歸為述其事并邀作

歌

峩峩白帝城上有嘵嘵聲嘵嘵直過湘江濱欲歸
不得攀枝躑躅而哀鳴有客聞之雙涕零客且休
涕零聽我歌蘭卿一解蘭卿可憐女生小閨中處耶
也綰銅章堂二解作民主隨耶身榮心獨苦長日看

蘭言集

卷七

十七

花淚如雨未到傷春年已解傷春作情語人慕蘭
卿才十萬爭聘取耶也憐之不輕許二解血淚斑斑
紅痛哭耶命終出門不辨程西東安得明馳足送
兒轉臨卣下無昆季上無媪與翁茫茫遠道去安
適從零丁相倚惟家僮三解僮心蛇虺毒主死謀暗
蓄欺女弱無能艷女顏如玉賣女與平康詭言返
巴蜀得錢去向青樓宿吁嗟乎在山水清出山濁
女小雖待年難免汗泥辱四解天壤王郎聞之心傷
贖女豪解千金裝不重女顏色重女不學邯鄲倡
雖居平康里耻作倚門妝女歸感郎意氣長低徊

向郎說何日同還鄉。名為君婦未識君高堂。勸郎作書報姑嫜。解五郎裁書寄父。郎父得書心大怒。此

子大不良。乃取倡家婦。生不願見兒。死不願兒歸。拜墓。解六父書來。郎心哀。去留不決心徘徊。蘭卿前

致詞。伏乞郎早裁。莫以妾故傷君親懷。郎言與汝。忍令中道乖。拌身為汝死。誓不作伯勞飛燕東西

開。郎心日戚。病骨羸如柴。一朝棄妾歸泉臺。解七悲哉已矣。郎今死矣。蓬隨飄風。女蘿復何倚。擬將

身殉郎。與郎了無俾。誰撫郎棺回故里。但得見姑。孀敢行子婦禮。沒身甘作奴與婢。解八制淚裁書乞

蘭言集

郎父收妾。斃。軀噫嘻。郎父真迂儒。怒兒無行。不許兒魂魄歸鄉閭。忍心兩決絕。不報蘭卿書。解九蘭

卿日盼望。目斷灘江上。不見寄書還。但見灘江風。起滔。浪妾身縱賤。微難代郎奉養。如何不念客

死兒。一坏歸。與招魂。塋仰面。嗚向天。飛鴻為惆悵。似鴻飛滿江湄。江灘江芷經霜摧。草枯卻復茂。身

似游絲飛絮一。墮終無回。回思父生我。生我羞門楣。回思郎贖我。贖我使郎骨月成乖。睽傷心妾薄

命。敢怨君庭闈。人生到此那用貪。生為生為君情死。死願君同歸。解十一鮮遺述曲

折如讀古樂府

卷七

十一

八

九

十

十一

越王臺懷古

崇臺百尺臨江。許於越當年傳校武。老去夫差醉
不知姑蘇臺上方歌舞。同是金錐築土成。吳教歌
舞越教兵。錦帆涇畔霓裳影。玉筍峰前鐵騎聲。雙
臺笑兀東西地。勞逸臺中心各異。行樂全忘報越
讐。憑高早具吞吳計。洞庭西望渺無邊。茂苑蒼茫
野樹連。漁箴潤含雉峴雨。龍旂晴捲鑑湖煙。登臨
憶昔應惆悵。入宦羞隨長鬣相。囚服悼居石室中。
壽觴把獻文臺上。邀赦蛇門祖道還。山川故國尚
依然。幸辭牧馬充廝養。聊且栽蘭學灌園。十年韜
蘭言集

卷七

十九

晦含深恥。不翦吳如此江水。手把純鉤怒一揮。百
萬水犀同日死。我來弔古深於邑。功狗功人竟何
益。賜劍難償文種冤。鑄金空報陶朱德。禹穴西頭
剡水流。叢山今尚指。甲猶行人漫惜吳。為沼一例
荒臺麋鹿游。

開倉謠

雨聲浪浪。打屋瓦。高田水向低。田瀉浪浪。晝夜無
時休。低田水接高田流。田高田低水一片。農夫把
鋤淚滿面。五日雨無麥。十日雨無禾。無麥食不足
無禾將奈何。縣官勘災下鄉里。里胥迎官怒田裏。

道言多雨稼不傷縣官聞言色為喜府符昨下來
火速催倉開待開不開視鄰邑各各顧望相遲挨
吁嗟乎身家事大民命小即使開倉吏中飽明歲
催科書上考

舊劍

三尺寒潭水提攜近卅年功名書策外肝膽酒杯
前作客空彈鋏酬恩豈論錢土花看鏽澀悽斷郭
君篇

廢檠

形影曾相伴分光鑑苦心圖書秋夜迴風雨草堂
蘭言集

卷七

二十

深孤枕照將寐殘更催欲沈無端兩行燭拋爾遂

塵侵

詠物詩難得
如此大雅

荀卿墓

當年兵法重孫吳尚有人知勸學無合傳漫繩遷
史失著書原屬孔門徒罪難科以秦丞相醇較多
于莽大夫歎息持平誰定論一杯殘照滿寒燕

持論
平允

匡衡故里

在漢諸儒學最醇儻充博士邁羣倫屢陳書竟非
封事但說詩還是可人當日餘光分壞壁祇今遺
址委枯榛如君豈尚功名薄錯把詞臣作相臣

兩經棲霞以事阻不果游

棲霞兩度游空訂。觸熱勞。笑此身。山若。有靈。應
怒我。客原。非俗。奈隨人。到來無分攀青嶂。別後相
思寄白蘋。比似蓬萊望中見。一帆風引又迷津。

反游仙

丹籙何年錄碧虛。誦黃庭罷轉愁予。牧羊兒亦飛
昇去。未必神仙盡讀書。神仙原不盡讀書然惟
能讀書者可作此語

雲自無心水自流。天台重到路悠悠。劉郎縱說仙
源重也。要桃花作蹇修。

胡承珙字景孟號墨莊江南涇縣人嘉慶乙丑

蘭言集

卷七

進士入翰林改御史今官福建延建邵分巡

感道所著有求是堂詩鈔八卷墨莊類敏異常手不釋
卷詞章考据兩擅其勝

悲自余輯竹書紀年多得其力校正至今未嘗敢忘於心自米詞章考
据兩家互相譏訛好之者亦各分左右袒今得我墨莊乃欲為諸

君解朝也詩取法於太白東坡清
氣流行如不着力而自然入妙

黃巖道中

蒼。厓。無。階。梯。天。風。扶。我。上。白。雲。忽。飛。來。咫尺墮渺
莽。千。山。與。雲。浮。從。風。欲。動。蕩。朶。金。芙。蓉。亂。揀。白
玉。盞。地。虛。未。敢。踏。天。逼。不。可。仰。舉。踵。壓。後。頂。出。手。
昧。前。掌。漸。覺。衣。裳。濕。微。聞。笑。語。響。偶。逐。凌。雲。游。因
懷。出。世。想。身。披。翠。霞。帔。手。執。綠。玉。杖。八。極。從。翔。翔。

三山恣來往。一曲游仙詞。平生屐幾兩。

瀟灑出塵神似太白

三疊泉

巨瀑如枯松。往往為直幹。天公偏好奇。故欲翻成案。濯錦天孫機。剪截為數段。蜿蜒來上層。玉虹挂天半。裊々與雲浮。亭亭逐風斷。萬斛牟尼珠。一一冰絲貫。盤空橫巨鰲。觸之忽迸散。樓高雪成毬。臺迥銀作彈。百步濺人衣。回光倏凌亂。跳空勢不衰。屢折氣益悍。直下趨龍潭。洪流信浩泐。俄貪偃師戲。旋駭昆陽戰。坐久思貂裘。赫暑不能汗。初入玉川門。清泉已渺漫。參差走亂石。滌洄循曲岸。巴水與之江。無此好波瀾。良由折疊餘。水流成習慣。百鍊繞指柔。本性幾改換。逝矣聖者懷。雄哉達人觀。到海應獨紆。登山此為冠。

留別廬山

有序

游廬山數日。周山之南。得其大概。其陰乃在尋陽俗事。譬如未暇往也。然而東西林寺大小漢陽峰。雖不能至。心嚮往之矣。將子母死。尚其能來。白雲在天。吾言不食。臨別戀々。情見乎詞。

平生五嶽遊。發軔自此壑。日送孤雲還。身隨一鳥

落。是時仲夏交。谿谷錦繡幕。萬朶芙蓉花。青天吐
苞萼。吳楚蒼茫中。到眼殊廓々。巉巖開梯枕。幽扁
啟關鑰。遙景往輒迎。近賞來更躍。耽寤神自融。探
竒魂屢愕。未知混沌初。誰為巧鑿鑿。緬懷三代時。
封鎮九州各。五嶽盛秦漢。三公等秩爵。衡山僻南
裔。曾不岱華若。卑卑培塿耳。何至數濳霍。祖龍固
愚人。劉郎亦大錯。茲山鄣東南。祀典永宜恪。所以
歷禩來。仙靈此棲泊。尤多振竒人。鴻篇遞照灼。安
得訴真宰。移封賁崕嶂。欲呼雲中君。愧乏霞上作。
此來偶然耳。只辨一芒屨。其陽已選勝。其陰未領

蘭言集

卷七

二二

畧。豈不懷雲松。奈此人事縛。憬如別親友。胸中有
餘惡。終當畢婚嫁。淨洗塵土脚。潭上鞭蒼龍。雲間
跨白鶴。石髓叩元關。金丹合大藥。徧歷千峰頭。所
至自斟酌。細讀青苔篇。摩挲紫雲鏢。聽唱升天行。
乃知出世樂。書此謝山靈。籍在母我削。駕非俗士
迴門。寧生客却未敢誇。前緣聊以堅。後約硬語摩空
神遊霞表

阜城行館久懋

匡床及簾輿。客夢各分半。借茲黑甜游。默令郵籤
換。百計起一涼。兀兀幾昏旦。赫然畏亭午。驕陽熾
爐炭。千里無寸陰。所恐金石爛。一室欲流憇。童奴

盡驅散。鳥聲寂前庭。蛛網落虛幔。神安夢亦佳。恍
惚遊汗漫。得非乘風輪。已到羅浮院。綠樹陰東偏。
始聞僕夫喚。行行至廣川。投宿尚未晏。起筆
簡妙

星子訪鄭明府不遇晤其尊人柳門丈留宿
且為辦廬山之游

赤日瞳々逐客走一笑。廬山落吾手。見山如見故
人面。自愧塵容已五斗。故人一別黃金臺。琴聲遙
落宮亭隈。西江道院致瀟灑。卧看九疊屏風開。雲
中五老招我宿。告我河陽花滿日。餅大如槃爾如
甕。使君只辦餐湖淥。我來不見雙飛鳧。忽聞老鳳

蘭言集

卷七

二四

鳴高梧。酌我以下若之春酒。飲我以渚山之苦茶。
開窻指我奇峰九十九。煙霏嵐靄朝昏相與俱。怪

道新詩古貌皆敷腴。

原注先生出示
聽雨樓詩稿

平生空好游五嶽。

未登一匡君有約。已五年翠壑丹厓如皎日。便欲

絕頂凌華蓋。扣取芙蓉擲天外。更乞仙人九節杖。

持向先生設再拜。先生采藥策白鹿。我去還騎黃

鶴背。五月梅花江。水樓重携蠟屐泛扁舟。故人歸

來倘相念。已在江干縹緲之飛樓。

一氣團結曲折奔赴
起、然有凌雲之致

開先瀑布

石壁陰森壓僧舍。五月清寒不知夏。老龍怒挾雷

電飛倒捲鄱湖向山瀉崩摧拉雜龍工家迸折玉
柱翻冰車。蛟縮萬丈惜不得。石飛海立愁咨嗟。置
風一掣忽中斷。白雲片片隨風斜。日照香爐現五
色。雙烟一氣噴紫霞。濤頭怒春石倒縮。窪作澄潭
匯幽綠。老龍歸去湖水乾。依舊仍來潭底伏。臨流
不敢濯雙足。恐致龍驚電如屋。

疾蔬食近一月矣戲東史大荔園同年
大夫試問即墨阿誰工。撫字誰催科。屯膏竭澤有
由致。天意豈必仇。麥禾神明不過求。夫子祈禱枉

蘭言集

卷七

二五

用驅巫魔。屠門督責祇細故。食肉詎便干天和。犧
牲圭璧有常法。不見瀝血刑白鷺。我行十日苦腹
疾。蠶腸夜吼如鳴鷺。毀粥正爾厭羶膩。所恐君腹
無由皤。昨宵今日幾雷電。微雨屢挾清風過。隨車
有頌固未敢。催詩或者傾天河。請君蘸筆和我作。
墨雨一灑成滂沱。不煩更守太常戒。為君翠釜烹

紫駝

偶然游戲正為近日諸宰民者
作一當頭棒喝筆情雅似坡翁

山行望雲氣

一山奇橫一山直。片雲通明片雲黑。雲出于山皆
學山。但有窈窕無癡頑。看雲轉恐山欲惱。盡被雲

奇奪山巧。世間萬事皆浮雲。山真雲幻何須分。幾日山行朝復暮。雲穴雲根盡知數。不愛看雲出岫時。思量認取雲歸處。

江中望廬山

廬山一別今五年。胸中如記故人面。尋常對客話奇勝。談者忘疲聽忘倦。塵中擾擾何事無。芝田瑤草愁荒蕪。偶然清夢落山頂。吟魂一夕飛江湖。南來六月日如火。一朵涼雲馬前墮。不教風雨回俗駕。廬山倘肯故人我。片帆婀娜凌江開。江流滔々終不回。世間萬事似江水。可憐惟有青崔嵬。江上

蘭言集

卷七

二六

居然見顏色。山鳥山花盡相識。取將倒影入杯底。不許蛟龍更爭得。年來苦被市人輕。笑我長飢太瘦生。但使青山成莫逆。人生何必要時名。

江上看山贈史荔園

名山不屑土。為肉所恐癡。肥遂成俗。以石為骨。苔

為皮。有時皮盡骨更奇。臨江豈止愛山影。浸入江波骨逾冷。江流一轉成一奇。山欲削平石不肯。沿江皆山。江自彎。被山皆石。山不頑。十年行役徧吳楚。眼中復此佳江山。我自癯容稱山澤。君更亭之高勝石。聯舟盡日相歡呼。此石此山宜此客。

以上數
首筆情

奇增極
似坡翁

始興晚泊金芙蓉

溽暑行舟劇。陰晴轉瞬間。斷紅霞外樹。新碧雨中山。石色含終古。江聲走百蠻。洞天隨處好。風馭若為攀。

渡潯陽贈史大荔園

好風相送渡江關。醜酒臨風片刻閒。與我同心如

白水。期君洗足入青山。原注約歸日遊廬山兒時歲月那能憶。

原注君云四歲時嘗一渡揚子江今已三十一年矣世上功名孰肯閒。五畝一廛須

早計。莫令神物怪人頑。

蘭言集

卷七

二七

宿攸鎮驛

合沓千巖送夕陰。愛看孤館月華臨。風墻洒落棕櫚影。露砌空明蟋蟀心。秋熟果如垂老健。夜寒方信此山深。莫愁終日醒眸倦。夢裏詩多耐可尋。

金竹嶺

何處洲邊五色雲。亂峰高欲逼斜曛。愁心已共山千疊。莫更灘聲遣客聞。百嶺天侯雲錦字子有號抑庵江南江寧人嘉慶戊午

舉人著有金芙蓉館吟鈔

韓介堂師華屏書屋圖

我聞黃山之峰三十六。高以其趾當天目。先生餐
勝聊一遊。別買小山成卜築。華屏四面開山光。衆
壑陰晴異寒燠。山腰翠竹排成圍。青到書堂不容
搆。竭去儼向娜嬛遊。展卷當窓驚字綠。禽魚花竹
如依人。那羨趺然響空谷。惟有梅生磊落懷。形同
蛩。蛩相徵逐。原注時梅抱村亦讀書問政山梅生茹淡。寡嗜竒胸。中千
畝。輕梁肉。得酒時復。槎枒生放。筆作文如作竹。我
昔携弟從師遊。先生每許攻堅木。推敲未定逢昌
黎。入手辦香心所祝。信知家學稱韓潮。沾溉旁人
無不足。山僧譜作好畫圖。收拾名山到書簾。懸來

蘭言集

卷七

二八

雪壁風雨晨。恍惚空山聽飛瀑。何煩高坐軒轅宮。
到處逍遙即濠濮。我披斯圖追舊遊。十載相從曾
獻粟。當時八月梅橫。窻到今花與人俱。淑懸知我
意如山僧。一樣徘徊丈人屋。何當一訪問政山。倘
有藏書待我讀。

贈王柳村

岷江源萬里。直下走金焦。天海渺無際。中流生怒
潮。鐘聲迴浦溆。日氣淡山椒。羨爾高吟客。朝朝挂
一歌。

翠屏洲畔屋。林淺水雲深。住者有仙骨。就之生古

心。青霄排健翮。白石淨瑤琴。何日扁舟去。相從披

素襟。二詩格韻俱高

侯雲松字貞友號觀白江南江寧人嘉慶戊午

舉人官歙縣教諭

貞友書畫雙絕詩更才華發越惜不見其全稿聞有將焦山詩甚佳亦未之見

和州香泉新浴歌

有序

香泉曰平疴泉亦曰寧疴泉舊有額曰昭

明遺跡蓋亦曾建選樓也嘉慶庚申冬隨

王介堂學使經過小憇偕同人往浴作歌

以紀歲月

去年惠山此日直上淙雲亭金沙銀礫浮清泠窮

蘭言集

卷七

二九

冬冰齒不敢嗽但見澄泉倒注冷浸寒潭星今年

車腳猶僕僕勞薪也擁星輶輟渡江初向麻湖宿

詰朝預說香泉浴香泉卅五里巖更未斷衝寒起

輿僮瑟手馬不驕腹冰在河霜滿橋熹微辨曉尋

僧寮香泉已在數武遙何年引泉入廣廈列屋分

池互疏瀉盎然元氣直作鶩上熱時見蒸出檐

瓦居然黍谷春有餘解襟大可衣無祕我有沉痾

煩湔除不用蘭芷熏萱蘇頗疑離宮定位通尾閭

不則誰向湯池溫谷施轆轤不然安得足底感沸

如跳珠換我寒骨溫肌膚吁嗟乎天地為爐兮陰

陽為炭。合有炎官工執爨。圖經沸井况不遠。鞭起
潛蛟為司燧。我聞黃山一澗流丹砂。當春可點東
峰茶。又讀溫湯碑。並下榆莢流桃花。秦少游。張平
子。溫泉賦與褒銘比。乃知蠲痾神水倍藥石。宇宙
以來信有此。僧言此水遠自雞籠來。濁洑卅里何
紆迴。我謂此地昔建昭明臺。文章之水合與淮渙
相滌洩。詎竒臆說那可據。却上籃輿出門去。駒影
空憐過隙時。鴻飛各有痕留處。去年風物如今年。
惠泉遊客來香泉。滋穴探源說壺領。香泉暖異惠
泉冷。長歌覩縷請勿嗤。頻年冷暖粗知之。借惠泉陪起筆勢縱

蘭言集

卷七

三十

橫跌宕中自有草蛇灰線之妙一結蕭然意遠

海嶽樓懷王柳村

北固山前水。風帆日日過。君行到吳越。幾輩入蒐
羅。野鶴經湖海。閒雲戀薜蘿。吾曹踈放性。應愧女
須多。原注柳村妹愛蘭女史暨余妹香葉相唱和最契

洪飴孫字佑甫江南陽湖人嘉慶戊午舉人議

叙知縣

佑甫為稚存先生令嗣頗能考据不獨以詞章雄惜早世未見成書

辛亥小除夕從家大人卷施閣祭詩

兒時放塾庭前過。重茲提携侍行坐。桑陰屋側隨
嬉遊。手捧新詩當餘課。十年負笈從師遊。樓前學

詠珊瑚鈎。閒中分賦荷竒賞。出語不肯同朋儔。歸
來朗誦喜阿母。慈顏一笑開眉愁。歲除亦解束詩
卷。雅伴積軸堆床頭。屋傍十畝富風景。絕愛春晚
兼新秋。偶然好句覺自得。僮僕往往嗤伊憂。艤舟
亭畔蠡河地。花落花開摠能記。年歲二十春二分。
入世文章敢遊戲。春明北上隨慈親。歲星在亥月
在辰。曾登鳧繹望泰岱。更喜擊楫經渾淪。看山看
水不相識。問名一一窮本根。祝風咒雨一枝筆。高
歌驚起舟四鄰。燕中隨宦樂趨侍。一卷兀兀隨晨
昏。過庭重誡爾小子。學詩一語言重申。閒堂月好

蘭言集

卷七

三一

命分賦。擘箋擗管噓陽春。一篇偶合長者笑。一篇
若拙。長者嗔。弟昆相賀復相戒。冥索時復煩心神。
金臺芍藥開河柳。快飲百杯詩百首。夜闌掩戶時
朗吟。一屋兒童皆上口。卷施閣集排西東。更列酒
脯酬天工。庭除恪侍作陪祭。缸穗凝綠花冥濛。太
華培塿並時列。光氣凌亂殊青紅。瓣香縱不在前
哲。敢說家學能兼通。他年倘得爛一藝。畧比過邁
隨坡公。遠逸曲折
不厭其詳

題范巨卿碑額即送張州守曾埈南還

烈士相交祇情性。一千年来傳獨行。偶從山縣拓

此碑。姓氏偏教坐生敬。卓哉山陽范使君。獨抱古
意超倫羣。豈其交誼足不朽。乃寄金石垂斯文。千
秋一語饒奇旨。生死論交自君始。始知友誼殊可
珍。交到重泉合心死。郵君章與殷子徵。未識死友
焉。知生長沙學生新野卒。縱不生交亦心折。巨卿
好友不顧身。落落死後殊無人。幻形誰復論爾我。
一往直欲兼幽明。鄉民瞿循縣君薛。留得金鄉墓
前碣。篆文不特軼八分。好補酈元經。注缺建安以
來世俗澆。慨然何止劉孝標。願將剝落數行字。持
贈世人同石交。蠻鄉刺史殊。今昔况值窮冬束裝

蘭言集

卷

三二

日偶讀廬江太守碑一篇還贈張元伯

題本難於牽合後幅頗見自然

米母谷

而

一封直

披

高

卷

煉

畫

此

此

蘭言集 卷八

江南涇縣趙紹祖琴士手鈔

孫同璋校



陶澍字雲汀湖廣安化人嘉慶壬戌進士入翰

林今官安徽巡撫所著有印心石屋詩鈔八

卷先生詩思力深厚風骨高騫變化從心頓挫入妙直合李杜韓蘇為一手昔蘇子瞻得西南夷蠻布弓衣織成梅聖俞春雪詩

一時傳為佳話今先生諸作傳播雜林至結社唱和額為擬陶詩屋古人豈得擅美於前也

書家季壽章滿詩稿後

文章如雲氣舒卷有自然神風一相遭變幻天無

權握管不脫俗僵蠶困繭纏膏肓入二豎倉扁何

蘭言集 卷八

能痊快哉季子詩奇氣得自天鍊章如鍊石使事

如使錢高者摩碧落下者窮重淵大步闖驪穴探

得額下懸閃灼出百怪神工辭雕鐫想當構思時

不作時世妍鐵色一枝筆七札能洞穿破竹既得

勢鼓勇行無前縱橫矢石閒颯爽揮戈鋌鬚眉忽

飛動百戰旗獨寧回視壁上客頭項成縮鱗伊余

苦力弱阻險張空拳然而雞肋軀亦欲當尊拳譬

之見大敵勇氣勵益堅挑師雖啟事橐鞬且周旋

秋風蕩煩熱清氣靜中扇課茗倘無事洗眼來新

篇硬語盤空有力穿七札之勢

乃有此廬落成二首時臘月朔日
梁燕構泥窩。滴口中涎。蝸廬挂一殼。聊足供盤
旋。仲冬月幾望。我居方卜漣。嘉平之朔日。斯千咏
新篇。旁觀詫神速。謂我工力專。豈知道旁築。經始
已多年。泣思先子時。嘯歌一室偏。老屋不三間。
瓦缺無全椽。左右交衆木。支撐防其顛。清風出四
壁。星月搖床邊。賓客門外來。宿宿紛輜駟。一聞割
為二。寢後厨當前。中夜兒女啼。隔壁驚客眠。豈不
甚。跼蹐處素良。自然憫此屋。與基購置百千錢。辛
苦舌耕積刮毛。未成氈。方期歲有秋。出幽謀喬遷。

蘭言集

卷八

二

詎知玉樓成。促召還諸天。回思住世日。未獲一夕。
便留貽有舊址。一簣忍棄捐。永懷肯堂構。淚下如
流泉。

情至語工
非關雕琢

日月迅跳丸。卅歲又一夜。

先日余三十初度

壯氣卓心旌。驚

起中宵卧。鄰人喜廬成。為壽且致賀。入門挈榼壺。
香醅傾秫糲。歡言各有情。抗聲起高座。謂子行出
山。志固異田舍。大庇果如懷。何必吾廬破。繩樞貫
難仍。母乃需改作。多謝父老言。此舉實無那。丈夫
宅四方。未獲謀閒暇。我有十餘口。無田可耕稼。長
安亦難居。豈能同稅駕。欲為處者處。聊用庇冬夏。

要知白屋中。不少公卿亞。先人有遺慶。門戶何當大。

新樂道中即事

日昨出都門。泥深沒車軌。好雨及時行。道路咸稱快。竭來三日閒。所見忽殊態。土脉赤且墳。原田半灰鹽。天公本至公。噓若分兩戒。雲師匿不行。風伯怒不殺。一任烈火輪。竟日空中曬。道旁老農夫。迎予馬前拜。問予遇雨否。欲訴先嘆喟。自言春徂夏。千里稀霏霽。二麥已枯焦。野色偃菅蒯。惟餘縣東隅。地窪可用未。半熟縱無多。亦得脩粗糲。豈意介休王。轟鞠肆狡獪。一夜電車來。盡作冰花碎。側聞來歲春。

蘭言集

卷八

三

特典舉時邁。游豫涖臺懷。扈從盛冠蓋。聖主憂民憂。先事杜科派。惟民自有情。夙昔荷汪。滅壺漿計。若空何由展。愛戴下馬慰。父老努力且自愛我。

皇官陰陽昭。格誠可會袞。數鉅公變理。職匪懈。時若協休徵。偏災諒無害。但愧皇華臣。極目空凋。瘵古云。雨隨車。俯仰中心瘳。

後幅頗難措辭。看其對酌處。立言得體。

舟泊瀘州夢游峨眉山醒紀以詩

前日發漢嘉。昨日發清溪。舟行五六日。曲折隨岷
嶂。虛無縹緲間。面目時一窺。惜為雲所閱。不得窮
端倪。昨來泊江陽。益與此山違。蓬萊不可即。卧想
神為移。忽然呀天門。豁達洞九遠。層巒挺秀色。疊
嶂含清暉。三峰若連鰲。角立爭雄奇。眼明狀益詭。
意愜情欲飛。遂覺身所歷。如物羽翼之。足底何所
躡。雲氣騰嶷嶷。耳中何所聞。天風吹淒淒。山光漸
煥發。物象殊迷離。或為霧露殼。或為雲霞衣。或為
行空馬。或為飲礪蚘。或舞浮邱鶴。或唱劉安鷄。或
馴南極鹿。或駕北海螭。舊或琪茁樹。麗或瓊吐枝。

蘭言集

卷八

四

香或五粒柏。豔或千葉芝。飛流或濺沫。古木或流
脂。嶺歌猿或嘯。洞鬪猩或啼。或樓或殿閣。或轟或
旌旗。壁立太古雪。崖懸千仞梯。目既不暇給。意亦
為之迷。隨聞佛現鳥。發聲唱布施。雲海空濛中。龍
象走且馳。天花一蔀蕾。五色紛離披。須臾火焰起。
照耀鬚與眉。驚起猛回頭。方知夢所為。桃花猶在
望。武陵倏無蹊。其時有老叟。峰頂行杖藜。意者謫
仙人。引手相提携。惜我逍遙游。未問天姥詩。變幻迷離合李

天姥韓南
山為一手

朱蘭友齋中同芷鄰石士墨莊霽青蘭卿觀

秦二世泰山殘碑拓本

秦始皇建天下。計世不以謚。東巡刻石六。語皆稱皇帝。胡亥實繼之。夸張述志事。詔謂金石辭。先帝之所製。皇帝不稱始。無以別後嗣。傳之久遠。時盛德。知誰自。臣斯臣去疾。昧死上其議。請刻此詔書。不辨而自異。皇帝制曰可。大書用垂示。至今史記文。明白辭原。備奈何音釋。訛頗嘗笑正義。原注二世詔內不稱始皇之稱。應讀平聲。正義悞音尺。證反。遂致文義難通。此本從何來。非科亦非隸。云自玉

女池十字出殘燼。

原注碑舊存二十九字。嘉慶五年碧霞宮燬。泰安蔣令得之。池內今惟存臣斯臣去疾臣請矣。

臣昧十字耳。

嗜古南阮翁北湖手摹植。

原注阮芸臺制軍曾摹刻於揚州之北湖。我昔

蘭言集

卷八

上泰山。碧霞曾坐憇。石聲礪楹間。所拓與此類。原注乙亥

十月登碧霞宮。見工人拓此石。

獨怪二世游並海。至吳會。歸途道遼東。不聞登泰岱。况此詔請詞。乃刻碑之背。石刻已無

存碑。陰胡獨在。好古宋與歐。傳聞非目諦。前江後

有吳。所記亦茫昧。原注宋歐江三公皆止見二世碑。未言始皇碑。惟劉跋云曾親見始皇碑。辭在碑之西東北三

面。二世詔書在碑之正南面。以史記証之。文意皆具。其缺處字數適同。云而明吳同春游泰山記。又謂與劉所記稍不券合。今劉謂正面七行。今

止三行。其三面將洗摹搨字形。隱莫辨。合觀二說。則此碑尚在茫昧間。曷來千餘年。見者但劉

跋果如親。擅椎四面皆文字。原注劉謂親以擅椎從事。始得

完善。四面總二十二行。行十二大臣從者名何處。更位置。原注二世本紀畫刻始皇所立

石石旁著大臣從者名跋。既云

四面刻字不應從。臣名全無也。儒生談周秦。鑿空等兒戲。嶧山碑已訛。

贗鼎滋恐偽。不見陳倉間。石鼓疑猶漬。斯也小篆
工。成能偶一藝。作頌侈絜廉。其辭實謬穢。饗餐鏤
甘讒。聊用禦魍魅。作詩匪聲之。請以搗史例。前半叙次簡潔

後幅識遠詞達可為泥古者下一城砒

謁華嶽廟

昨日雲氣殊濛濛。渡河不見三華峰。虔心齋放默
叩禱欲藉神力開陰蒙。山靈大好識客意。一夜放
出青芙蓉。凌晨騎馬出城郭。初日照耀神山紅。輿
人僕夫悉驚怪。謂此難得誠神通。既感且愧且自
喜。異事何異昌黎翁。行西上三十里。目光不轉

蘭言集

卷八

秋毫窮少焉。嶽廟適當道。秦槐漢柏圍葱。不
國家告秩有常典。碑碣林立鑄穹隆。升階俯仰歷
石級。滿壁圖畫森蛟龍。旌幢窈窕列丹仗。冕旒秀
發神當中。兩廊仙子跨鸞鶴。天樂耳畔聞三終。却
尋苔徑入後殿。萬壽閣對金天宮。其西玉女啟窓
牖。其東蓮花吐蒙茸。其南一峰即落鴈。外獨肅穆
中藏鋒。羣山環拱聽命令。但有真氣無妍容。大似
古來志節士。特立不懼辭阿逢。名山到此意俱靜
對之凜。生巖恭。是時秋色遙在地。檣帆歷亂船
司空。中條古翠壓雷首。巨靈拓坼長河東。山川一

覽不芥蒂。八九定可吞雲夢。下樓山色溢眉宇。一路尚似乘罡風。茲遊竒絕得未有。敢謂誠意廻天公。何時五嶽入周覽。會須杖策隨偃松。

梓潼過德將軍 楞泰 戰蹟碑作歌 有序

嘉慶庚申春教匪冉添元等偷渡嘉陵江擾

及劍州梓潼一帶川西大震輕騎追及擒

斬畧盡土人感之立是碑也

妖星夜向西川。地長蛇吃人血流赭赫然一震迅。雷霆將軍旗鼓從天下。憶昔么麼煽亂初。祭酒鬼卒號鳴。始由襄鄖及唐鄧。遂渡漢沔穿夔巫數

蘭言集

卷八

千里內肆蹂躪。勢若火燎秋原枯。卓哉將軍好身手。長嘯欲激龍泉吼。健銳故是攸飛英。叱咤曾令逆苗走有。

詔將軍兵最精。指揮更作巴西行。西行幾載冒鋒鏑。

鏑鷲擊。原注將軍前後斬獲劇賊姚之富齊二寡婦高均德高二羅其清丹文儔龔文玉卜三聘楊開第龍紹周徐國謨閻紹青

遂得籌叅裴令公。原注謂經畧額公。遙看幟樹揚無敵。

原注提督楊公遇春。三巴已靖人可耕。移兵北向趨階成。誰知

晝伏夜復動。窮穴突出鼯與鼯。將軍聞之捲甲返。

疾馳颯若風雨聲。是時羣賊正蠶起。我軍新敗鼓

聲死。原注總兵朱射斗戰沒于遂溪。洪恭將以下死者十餘員。飲鴆得意毛羽張。投鞭欲

斷涪江水。士女倉黃如亂麻。牽衣跣足哭不止。將

軍下令整且嚴。持滿勿發視吾矢。餓鴟忽叫箭滿

眼。十萬賊人同草靡。原注賊合黃號徐萬富青號汪瀛線號陳得俸等十數萬人蜂湧迎戰。將軍令軍士持滿俟賊近乃發萬箭齊出。遂擒陳得

俸。賊再添恒再添。元帶箭而逃。窮追五日四接戰。手斬鴟

狐戮封豕。原注賊自武連奔江油。五日四戰射獲再添元及楊正明。陳國祥解其順等。再添元善用埋伏為眾所推。既就擒

大潰。輕騎進解四寨圍。歡聲上沸天。雲委。原注白號賊張子聰雷世旺等

渡潼河。焚太和場。追躡大破之。斬雷世旺生擒數千人。時谷成太和和仁

義四寨為賊所攻。哭聲震地。大軍至賊驚遁。圍解難民萬餘詣營叩頭而去

潼河兩岸遂肅清。原注賊連敗于中江三台。殺偽總兵張長生等。餘賊搶渡嘉陵江。追及擊以大砲殲溺殆盡。自是賊不敢西渡。望見將軍旗幟輒走。蜀人至今廟祀之。重脫刀兵事耘耔。嗚呼此戰何

可無稍緩。頃臾蜀危矣。祇今事隔十年來。陰雨猶

聞鬼夜哀。山坡往。拾遺鏃。斑斕血色凝蒼苔。豐

碑屹。當道路。惜無文字鐫崔嵬。原注碑上僅刻將軍官階及萬民感戴數大字

我行棧道綠若線。恍惚當年此酣戰。如公自是頗

牧儔。却憶潢池誰召變。原注教匪初起建白旗以官逼民反為辭。筆力道勁。叙次簡明。真杜陵詩史也。一結別具深意味。美於回

吳書不如且讀循良傳。原注師諱方毅成。都人官永綬同知

從軍西一首題李香畬師詩集。原注師諱方毅成。都人官永綬同知

從軍西。從軍西。乃在舍衛之奧崑崙。谿。原注廓爾喀在烏斯藏西。其酋

嘗入後藏。滋擾乾隆五十七年。嘉勇公福康安起勇公海蘭察等討平之。大章豎亥行跡所不到。常

有太古之雪山。顛齊草堂夫子昔秉鐸。原注師嘗主草堂書院講席

筆鋒觥。天外落。大吏知人幕。入賓。原注時以教諭入營司書檄三

年蠻語歸囊索。歸囊索。皆詩材。危峰萬仞起。方寸

墨花燦爛和雲開。吁嗟乎西川古稱行路難。况乃

西川之西道路尤漫。怪公書生健腰脚。萬里草

檄窮征鞍。不見菩薩巖阿孃壩。皆地名鐵凹山前皮作

船。原注山深雪厚處人不能行以皮為船牽之而過金沙江上囊為駕。原注羊革為囊騎以渡水

王卡。名山林深豺虎驕。公拉。地名月黑骷髏咤。想當駐

馬揮毫時。神鬼倉黃奔腕下。我聞班孟堅。勒銘向

燕然竇憲何足道。猶爾資留傳何况。

聖朝聲教空往古。無雷不夜皆中土。小臣職在諧

蘭言集 卷八 九

樂篇請歌。此詩補常武。異采奇情出以頓挫之筆彌見精光四溢詩傳而人與俱傳矣

印心石屋以狼毫筆分贈同人 有序

筆為高麗豐山君洪顯周所寄。洪因權晶

山歸國見余詩致書求筆札甚殷。且言彼

中額社曰擬陶詩屋每次余詩為韻。鷄林

人嗜好文字如此。

印石先生瘦於竹。搦管題詩森束。筆耕半世猶

無田管。城子相非食肉簪。毫每愧時賢能。著手空

驚前輩毒。年來才盡似江淹。坐笑中書老將禿。何

來鷄林好事人。嗜痂有癖情偏篤。傳聞詩社客如

雲擬陶新拓梅花屋。原注高麗舊有梅花社作者十餘人頃守一軸至皆和余印心詩韻其筆章曰擬陶

詩名香三日漫懷荀。原注有韓永元者和余百花潭韻見寄屋望中遙想眉端氣詩裏猶聞坐處香

扇千家誰畫陸乘鸞海客尤好奇。原注豐山君號海居國主之妹夫

面未謀心已知斑瓊管遠貽贈云此筆潤宜為

詩我聞黃鼠狼。原注盛京志鼯鼠一名黃鼠狼其尾高麗人以為筆窩集偕鹿麋。原注海邊

林木最深處曰窩集只今烟墨走冰紈想見深山嘯風雨狸毛

五車曷足多白狼三章行可補吾儕生際

盛時居赤縣不待華嚴誦經卷。原注石林詩話高麗國主徽常誦華嚴經祈生中國

詩成莫惜夜光投。原注坡詩錦囊詩草動收拾莫遺雜林得夜光故事還應續松

原注坡公有和張末高麗松扇詩

蘭言集

卷八

胡墨莊侍御承拱齋中觀沈暄本元祐黨人

碑

臣京承旨編姦黨三百九人歸一網辭曰元祐亂

政臣是非如此真欺罔聞之神霄上帝恚刊碑不

難毀亦易夜半錘聲端禮門當日君臣太兒戲沈

生摹此揚祖風所見未許安民同豈知荃茅不易

辨大有惇布攔其中從來公論久自見韓非老子

難同傳無端造作必神奸假此相高亦矜銜青史

千年黑白分那在區區石一片君不見西州豪傑

皇甫規不入黨籍名終垂。吳蘭雪云通首格老氣蒼議論正大

舟過神女峰

峽氣襲人秋耿。巖迴岫複殊人境。山靜微聞鶴
鶴聲。潭空俯覩蛟龍影。一枝柔艣。搖浪花仙。風吹
落香雲冷。

宿武勝關

一線界荆豫。雄關此處偏。山深能釀雨。徑小不窺
天下馬。妨途仄。開窓覺屋懸。不須愁確犖。繞榻是

雲煙。

珠句得
未曾有

樊城解纜

放眼平隄水。襄陽最上頭。關河綿客路。天地入扁

蘭言集

卷八

十一

舟樹雜江煙。邈雲移郭影。浮曾觀者。舊傳懷古亦
風流。

岳陽樓晤周靜山夫子即席次題壁原韻

又對今朝酒。天寒氣尚秋。江山容醉客。風雨此登
樓。歸思懸霜艇。浮踪感雪漚。巴陵一湖水。流不盡

離愁。

起

夜泊君山

十二青螺髻。君山境不凡。船疑天上近。山在水
嵌。雪偃龍歸洞。風高蚌擁帆。何人鼓湘瑟。夜氣濕

秋衫。

空舫峽

合詩並黃鶴集卷八十一笑一林

歸裝無陸賈。問路有空舫。流水如相識。荒江此乍經。峽深藏日月。灘急走雷霆。醜酒黃牛近。來朝至

喜亭。

原注至宜昌歐陽公記言蜀舟至此而喜也

宿黃牛峽

及至黃牛峽。江寒鎖沈寥。深巖遲見月。孤枕暗生潮。澗響傳秋意。漁歌動晚桡。天台歸權宿。雲卧極今宵。

五丁峽

到此真奇絕。山竒石更竒。徑懸猿狖恐。險鑿鬼神

蘭言集

卷八

十二

疑。水作千盤去。天將一線窺。金牛如不入。萬古祇荒陲。

題方有堂方伯詩稿

專聞詩王國。居然擁百城。文章餘古氣。經濟稱時名。字外猶鋒露。軍中記槩橫。原注平定教匪時軍中所作尤多從來請纓志。未許薄書生。對仗變化

舟至江夏

洞庭片席乘風下。放眼蒼茫快此行。雨氣欲沈雲夢澤。江聲直上武昌城。漾芳草洲邊合。歷青山閣外橫。便合携壺黃鶴岸。登樓一笑一杯傾。諸律並雜

渾雅健極似
前明七子

重登黃鶴樓

又趁湖天萬里晴。落帆高上武昌城。乾坤不老風雲色。今古長流江漢聲。山對鳳凰猶在眼。波翻鷗鷺舊同盟。紅欄十二吟題徧。誰識當時振策行。

登大別山

凌空眼界豁蒼茫。高閣晴川俯漢陽。九派江聲吞北渚。兩條山勢鎖南荒。洲邊有路交鸚鵡。城上何年集鳳凰。獨倚欄杆望秋色。暮雲無際是瀟湘。

由正定至獲鹿

蘭言集

卷八

十三

恒陽西望暮雲屯。黑子城高近土門。漳水千蟠包大麓。太行一線走中原。關河跌宕開生面。風景依稀想故園。欲訪遺山流寓處。荒村無碣認頽垣。

過涑水橋懷司馬文正公

政府重登髮已宣。穉郎遺毒一朝前。如聞父老呼生佛。久有兒童識樂天。二等書雖誤承祚。九分人未遜伊川。原注程子謂君實九分人故山喬木蒼然在。想得春風杖屨年。

馬上望華山

潼關西上鬱嵯峨。立馬三峰迫若何。羣岫冕旒尊

白帝諸天風雨挾黃河。花開玉女盆中見。草長仙人洞口多。擬駕茅龍山頂去。青天搔首一高歌。

鳳翔東湖蘇文忠公祠石刻九日一首有憶弟淚如雲不散望鄉心與鴈南飛之句讀之悵然有懷舍弟子晉晉輒次原韻書祠

壁

東湖亭子好煙樹。遙接陳倉古翠微。秋氣忽從林外至。浮雲疑向故山飛。山川入望人俱遠。風雨連牀夢久違。何日卜田如石佛。不應猿鶴弄嘲譏。真摯

由鳳翔至寶鷄

蘭言集

卷八

十四

路轉岐山更向西。川流汧渭合磻溪。地形遙據三原上。岳色平看二華低。廣樂曾聞天賜犬。霸圖猶說石鳴鷄。車轡一代秦風歇。斜日空林怪鳥啼。

沔縣道中聞嚴樂園太守至

萊萸江上竹籬居。記得兒時近客車。夜雨共尋園內韭。春風曾讀別來書。五丁峽徧新探險。原注時自塞。卷勘災過此。

二酉山深舊結廬。原注太守辰州人。猶有同舟佳咏在。剪燈

重乞付鈔胥。原注先生有舟中贈先君詩。久佚其稿前有書囑其鈔寄。

姜伯約祠

北伐連年戰鬪勞。紛、被勅倒旌旄。猶聞死後將

軍。膽。空。拔。營。中。壯。士。刀。往。事。竟。成。蛇。畫。足。天。心。已。
定。馬。同。槽。當。歸。遠。志。皆。虛。願。歲。祀。祠。前。劍。水。號。悲壯

新都吊楊升菴先生

朝。內。何。人。念。敬。皇。滇。南。回。首。暮。煙。蒼。山。迷。故。國。三。
千。里。夢。斷。中。庸。十。八。章。原注升庵生時母夢神送五代忠臣夏魯奇至曰武臣也以中庸十八章補之

賈。誼。少。能。憂。漢。室。虞。翻。老。尚。棄。蠻。荒。白。頭。粉。面。雙。
了。髻。起。舞。沈。瀾。淚。數。行。

屈沱題三閭大夫廟

三。戶。依。稀。見。楚。民。左。徒。遺。廟。枕。江。濱。薜。蘿。夜。月。啼。
山。鬼。蘭。芷。秋。風。怨。美。人。至。竟。蛾。眉。難。悟。主。可。憐。魚。

蘭言集

卷八

十五

腹。去。藏。身。女。媪。碓。下。灘。聲。急。嗚。咽。千。年。水。不。春。

梅冲字表淵號抱村江南宣城人今籍江寧嘉

慶庚申舉人所著有寒水春華之館吟稿四

卷抱村才雄氣盛下筆千言與人唱和疊韻至四五不止同輩避其鋒然雅不欲以詩自名所著學然後知一書學者珍為枕秘至其莊子本義離騷經注皆別出新意無一語寄古人籬下此足以知其識超意遠不同流俗也

六月初旬大雨五日黃左田翁見示苦雨述

病之作次韻

去。年。故。鄉。水。洪。波。漲。青。溪。長。街。通。小。艇。巨。室。無。安。
樓。荒。居。費。捍。禦。聲。東。還。擊。西。今。年。客。長。安。地。異。江。
南。低。恠。哉。黃。沙。高。化。作。百。尺。泥。昨。聞。朝。官。朝。擁。衣。

水過臍。九衢或待渡。况問田分畦。滂沱勢何張。聲
奪談窓鷄。嗟予客念家。懋沸方吹壘。愁積如重雲。
食味忘鹽醢。何處新詩來。快嚼哀家梨。景象巧刻
劃。妙語饒滑稽。頓教心眼開。禪悟參竹篋。詩事我
久荒。唱和疏籜兮。先生蘭臺英。特達尊廷圭。鴻才
扶正氣。台斗高日躋。和聲荅鈞韶。呂子諧律婁。逸
情偏念舊。鄙陋加提携。京華滿鸞鳳。凡鳥音難啼。
寄食居幸安。泥塗謝犇蹄。暑雨家如何。遠夢空離
迷。詩懷檐溜知。餘滴增清淒。

王子卿吉士新葺齋屋漏不可住移榻就予

蘭言集

卷八

十六

用前韻戲贈

茅屋捲風雨。昔年歎濼溪。今日陟瀛洲。玉府尊鳳
樓。如何效鄰女。食東而宿西。客齋幾年住。屋矮階
嫌低。頃方加粉飾。四壁塗枿泥。承塵白如雪中宵。
薰麝臍。滂沱胡驟來。白波卷連畦。新屋忽盡穿。安
時奪老鷄。始而不出戶。館餐分芥藿。終日兀然坐。
數滴效摩醯。一步不敢動。真作釘坐梨。既而驅之
出屋。天煩面稽。大漏與小漏。影如月挂鏡。卧榻夜
屢遷。錦衾嗟爛兮。避地向何處。容身艱筆圭。金閨
美新卜。路溼難躋躋。只得奔就我。反詭從梅妻。待

我舊如胞。本合相提携。雨露方萃君。休作春鶻啼。
畫日推巨手。籥雲捷霜蹄。嗟子遠徬徨。望家煙影
迷。長歌破雨聲。客况消餘淒。

四次前韻呈左田翁並東桑雲柯孝廉屬同

和

供奉詩壇雄。勁弩鳴堂溪。手如急雨點。勢奪驚鴉

樓。避敵我無策。難劃鴻溝西。錢塘思巨援。

原注雲柯錢塘人

曾射江潮低。沈淪尚在下。寶氣光金泥。取精摘驪

頷。窮博搜佛臍。顧我特許可。兩心無町畦。五載蹤

跡親。有若連棲鷄。黃山與白下。朝夕同寒壘。餘力

蘭言集

卷八

十七

能我既轉乞。饒鄰醯計借。復與借。甘剖河濟梨。落
拓金臺春。捷足嗟長稽。聲華詎能掩。新粧工翠鏡。
天公試詩才。兩賜變忽兮。槃敦樂有主。朝宗聯介
圭。倒流川。同障撥雲峰。並躋敢云互。角遂法喜原
吾妻。藉消客舍清。獼祭資取携。幸附鸞鳳鳴。不作
秋蟲啼。益看張吾軍。萬騎風生蹄。幸無薄我險。轉
增疊嶂迷。唱和如鷄鳴。不必風雨淒。

疊韻詩難得如此自然

五次前韻答左田翁日來多與子卿對奕故

戲及之

守此老氏學。甘為天下溪。如何遇大敵。六月常棲

棲嗟此羸者。陽攻擊防東西。詩場暫告罷。復擾儒
棋低。謝安奕本劣。摧之如切泥。豈知蠶蠹毒。有時
驚噬臍。只得整隊旅。戰守嚴疆畦。再接再厲乃介
距。季。邱鷄。擣虛快得閒。霜刀紛膾虀。告急屢將伯。
療救煩李醢。使我殺機滿。胸不生交梨。曷若舍之
去。險韻還參稽。山谷真我師。古訓精疏錐。承明直
鮮暇。

虞絃和薰兮。書畫天下寶。片紙珍桓圭。賺取并傑
構。寶山忻獨躋。預計歸裝富。足耀梁鴻妻。幾日

扈甘泉。勝地難相携。應思孤館中。獨效莎鷄啼。更

蘭言集

卷八

十八

期進我道。韻亦忘筌蹄。勝負空一枰。黑白馬足迷。

摩詰幸同居。與妙兼清淒。

原注賈島詩靜棋功
與妙間作韻清淒

次左田翁韻荅子卿

以詩却詩敵。如抱薪救火。况逢好戰秦。滿腹大不
可。即我蕞爾國。背城借亦頗。一篇偶然出。如的攢
衆筭。嗟予迴愁腸。輓轡脂轉輒。天將肆水災。誰脫
支祈鎖。化龍看君飛。為魚歎衆裸。澆愁強邀君。既
怕酒杯駁。奕戰復屢敗。不肯瘡再裹。學畫我則拙。
寫花不成朵。同心而同居。胡為跡兩左。坐觀水潑
天。徒想車揚堞。且喜詩興豪。屢遇戰必果。句更聯

一家。虞許忘爾我。

顧子餘王柳村約借侯抑庵貞友游焦山宿

自然庵

海門江捲坤輿空。太空一點山居中。波心古木抱樓殿。烟鎖萬古青濛濛。顧王二子京江傑。崑崙氣概凌雙峰。名山私據作別墅。同好如我聊相公。寒冬葦落江岸澗。大舸破浪呼長風。金綺萬疊互迎送。波光倒激紅輪紅。憶昨游覽及初夏。日月幾何山改容。霜風一掃葉滿海。盡標古榦排青穹。巨檜秀出萬木表。老蛟立水山飛龍。走乘暮色快一覽。竒氣已覺撐心胸。僧寮偏歷致幽折。面屏嶂江玲瓏。下榻何處忽叫絕。古梅二樹吾其從。橫斜枝總十圍大。以坐以卧宜微躬。偃亞一半低俯水。瘦影寫照江磨銅。春潮歲々接飛瓣。餘香滿貯蓬萊宮。欲探寒萼今尚早。繁枝已結珠旃幪。是時江空月輪白玉宇。幕晷清光籠酒榭。狼藉醉起舞。人影花影交蒙茸。大觥滿酌與樹飲。暗香魂返神融。是我是爾本無二。幾生修到應相逢。慨茲神物據瑤島。歌酒幾度聯宗工。當時豪快定如我。千載輸與雙株崇。人生難與草木競。况將山水期初終。諸

君書畫各不朽。嗟我追逐徒匆匆。虎頭深遠更莫測。酣嬉歌嘯多苦衷。乘興揮洒富墨妙。談諧一一開吾聰。環坐斂衽心內悚。上下水月搖簾櫳。江斐海童烟霧杳。何如翠羽環師雄。五更梵唄落天半。萬重雲海清晨鐘。氣勢磅礴一結正復悠然不盡

至京江東顧子餘

之子歸來未。嗟余又遠行。亂花三月路。芳草隔年情。寺古山無恙。樓空江有聲。此中堪買醉。酒價憶京城。原注昨歲四月與子餘別於京師

蘭言集

卷八

二十

查揆字伯葵號樵史浙江海寧人嘉慶甲子舉

人官宣城知縣所著有菽原堂集十卷

樵史長於儷體

而古今體詩風華掩映美不勝收茲特取其氣骨超然者昔陳其年先生以四六名家而詩之豪宕頓挫絕俗超羣非妃紅儷綠比樵史固當不讓前賢

古意

采蓮復采蓮。涉江濡衣裳。敢惜濡衣裳。過時物不芳。蓮開紅顏好。蓮落紅顏老。

將至山陰途中有述

不能至宰相會作良醫爾。今日之良醫無乃縣令是。越東地瀕海。民俗尚淳美。蛟蜃所吹噓。其氣或譎詭。頗賴官吏賢。引之以方軌。不然竟沈疴。飲藥

如飲水。少讀循吏傳。愛慕從此始。祭形與卓茂。謂
當得其似。忽廿八年。韶光去何駛。刀筆非所長。
况堪食客比。懷中千金方。躑躅何能已。樸史史治精勤人莫能及於此

之見

烈女行 有序

為曹氏作也。女許字族姪。世裘幼為翁姑
所撫。未婚。喪卒。女義不改適。服滴死。癸丑
九月初五日也。年二十有五。予仿古樂府
志其事。以俟采風者。

蘭言集
卷八
二一
風吹梧桐樹。烏啼滿前村。落葉離故枝。猶然依其

根。皎名家妹。弱齡嫻禮儀。鞠養於姑嫜。殷勤代
晨炊。百年奉高堂。矢願永無違。一旦遭飄零。庭蘭
忽焉摧。縑素為元黃。其色不可渝。妾身許君子。其
名不可虛。歛容拜姑嫜。閉門自澌澌。可憐未成婚。
遣歸當何如。妾如韃轡索。君似井中水。韃轡未轉
井水枯。抽刀斷索無汲理。計決無所哀。逡巡復出
戶。晶釜中鹽。今日得死所。食鹽愛鹽。潔鹽多不
知。苦妾死。爐中灰。妾生枕上塵。塵生衣不潔。灰死
香自存。凜古節烈。聞者為哽咽。吁嗟烈女可再
生。釜中鹽水不復清。

刮絨花 有序

美孝女也。女毘陵人，姓楊氏，無兄弟，不嫁。業是花，以養親。終老，喪葬既畢，以哀毀死。花為衣，花為食，花胡可衣，胡可食。花是毘陵孝女。血黃姑織女，河之渚，不作人婦，作人女。刮絨刮兒心，插花插兒骨。兒年十五，又二十一，雙纖手如東風。萬花吹上佳人簪，寸心那復論長短。袖中玉尺知兒心，蘭陵一抔猶覆脯。金虎守廬烏負土，誰家少婦倭髻斜。滿頭猶戴常州花。

泊櫓山謁吳秋圃中丞磊齋太常兩先生墓

蘭言集

有序

卷八

二二

中丞諱麟瑞，與弟太常諱麟徵合塋。漱上泊櫓山中丞予婦六世祖也。乙卯冬，贅婦家得讀兩先生奏議詩文遺集，欲誌一言而未敢也。今年春偕妻兄子安子修游永安湖，遂得展拜墓門，敬抒長句。有明末造，尚氣節，殺身豈曰非君子。我謂致君瀕實用，所難不獨在一死。甲申三月天陰霾，李花當春吹滿街。殿前走馬十八兒，慧星落與飛鶻偕。空城白日鼓聲啞，黃狐跳梁擲飛瓦。漢庭無復折檻

臣鄭人誰是登陴者。火鴉滿空礮反擊。煙焰中間
一人立。太常少卿官姓吳。西直門前賊不入。偉矣
授命荒祠廡三十一人。共千古。儻從真如杜架閣
交游極似陳。同甫曾聞疇曩登第時。夢中有人舉
似信國零丁詩。古今氣運適符合。精氣感召容有
之所惜。外遷兩疏空復上。不然豈無開府勤王師。
然而文山耻無弟。先生有兄斯可矣。桓、中丞秉
節鉞。此身要為瘡痍起。袁州羣盜正縱橫。星旄所
至莫敢撓。篋中誓論不見信。邊才往、皆虛名。挂
冠神虎空歸來。轉眼蒼茫揚劫灰。金翰林。劉念臺

蘭言集

卷八

二二

公於其間非依回念臺曾入太常夢。夢裏西臺成
一慟。山河破碎亦已矣。後死孤臣豈得已。公孫程
嬰各有以可憐。白髮卧荒邱。不見黃冠歸故里。揭
來激上招提路。翁仲無言愁日暮。秋墳鬼唱雨絲
絲。野棠如雪前朝樹。着意經營者其轉折旋處致
為筆妙一結凄然尤凜然也

再寄五叔父時聞已離成都

鳥背千山落。崩奔日夜呼。離家萬里遠。出險一身
孤。此日風塵老。中年感慨殊。勞衣與食。心計轉
嫌簾。

吾祖彌留日。呼予話客居。猶垂兩行淚。頻檢遠來

書。棧樹寒親鳥。江雲晚就魚。間關身萬里。尚憶舊

田廬。

真聲語令人
不恐卒讀

赤壁庵

一徑裊深碧。憑欄望眼開。峽中無月到。樹外有江
來。花底聞輕磬。齋厨出綠醅。明朝剡谿曲。向夕首
重回。

夜過南鎮

暮靄蒼茫杖底開。側身何處是蓬萊。星辰倒影穿
江出。風雨如濤擁日來。岑草已迷虞氏冢。啼鳥還
上越王臺。齋壇此夕懷鄉甚。萬里滄波首重回。

蘭言集

卷八

二四

送雲臺師入覲二首

五年覲禮歎天關。卿月分明照九寰。公在始知寒
士重。政成惟覺吏人閒。勒銘碧海鯨魚靜。按部湖
山羽葆殷。願似廣陵三折水。第三回向浙江還。

舊附龍門百尺枝。朱紘疏越媿彈絲。著書事大才
誰及。戀闕情深出恐遲。蕭惠還朝仍御史。韋賢入
相本經師。定應溫室前頭語。只許丁東玉漏知。結語
得體

胡世琦字偉臣號玉樵江南涇縣人嘉慶甲戌

進士官庶吉士出為山東費縣知縣所著有

立經堂詩集八卷

玉樵幼負俊才慷慨豪邁年未弱冠舉
於鄉既選庶常以性不諧俗出為縣未

幾復星史議作書寄余謂擠排之者未必非玉成之尋將拂衣歸
里以著書游山自娛也古今體詩豪官勁健如其為人洪稚存太
史極推重之

由後海上天都峰

天都峙層雲。壁立雲氣濩。下臨萬仞海。都有老蛟
護。同遊及崖返。我意獨無住。手攜一枝簾。腰纏十
丈布。盤折同蟻緣。彳亍學馬步。原注土人導遊人
登山者名為海馬一面

石壓頭。羣峭與天扞。一面谷窅深。陰黑層冰涸。接
趾踏不堅。側視吁可怖。目先與足謀。手復虞杖誤。
蒼苔厚論尺。秋草高逾袴。毒露虎氣腥。浩風魑魄
怒。松古壁上攢。瀑猛巖端注。雲頭亦逐客。險見游

蘭言集

卷八

二五

龍驚作氣幾千級。計程九萬路。夙耽向平奇。獨叱
王尊馭。當年石門巔。絕壁恐不如。硬語排空饒
有昌黎筆意

和洪太史亮吉過訪培墩種松書屋即登仙

石峰久憩日暮由楓嶺觀孝子祠古柏時

同遊黃山言歸後也

江南秀數黃海峰。滿天晴放青芙蓉。小山大山亘
百里。得其一體皆清雄。草堂本落萬山裏。便有山
峰從堂起。石偏壓屋竒于雲。林亦捎天綠似水。深
秋九月天氣高。松聲十里清成濤。碧琅玕館一百
畝。浪頭并挾天風豪。驚濤迸浪漫峰頂。人坐峰巔

人轉靜。爨煙一碧掃不開。村落萬家盡成影。日暮
中酒復成歌。新詩迭換臨風哦。丹楓嶺下柏身古。
亦與竒石爭嵯峨。空山閱物盡陳迹。一段蒼涼何
處笛。卷中黃海有新吟。老鶴同遊夢應識。
原注時太史正閩余

黃海
遊草

以詩乞洪太史亮吉漢瓦著書硯

十一月冬硯乃冰。月令四民讀五經。我方高齋夢
蝴蝶。得閒伸紙殊縱橫。平生籀篆苦不工。聞觚昧
觚。嗤司農近學玉箸搜金石。溫經正坐時奴。歐
趙著錄金石古。瓦當有文軼不補。澠水燕譚始載

蘭言集

卷八

二六

記東觀餘論續成譜。瓦頭硯名唐後傳。未央宮殿
西京前。面徑五寸圍一尺。璧水往下逾石田。陶泓
入傳自古製。貴石賤瓦。徒多事陶匏器。用究何為。
論古范。須此意。所恨贗鼎珍。瑰玫香姜閣。認銅
雀臺建。安舊隸。隨流水興和古篆。成劫灰。要知神
物原有待。千載靈光巋然在盤。秦漢字如窠。邈
邈帝鴻墨。似海先生壯遊古關中。搜珍等執桓與
躬。封除即墨諸軍事。墨雲飛出東江東。著書三十
成名早。子雲硯北今已老。假田定笑鄭伯貪。易璧
敢挾秦人巧。粟岡贈硯古所酬。中山染翰凌清秋。

臨池縱非山東李好事。或同鉅鹿侯。欲乞洪厓鐵
一片。露珠涓滴。丞相篆珍重。摩娑古物心。他年如
對先生面。層層洗發面面俱圓
真淋漓盡致之作

答趙司訓紹祖即以代東

涇西隔水涇山好。隔斷紅塵山不老。凌冬竹霧屯
綠煙。春雨桃花想寒島。此間一着唐詩人。風流頓
歇無文藻。况乃窮年苦著書。溪山幾見傳書稿。聞
君纂述山之阿。餘力亦復對酒歌。早知陸慶兼禪
誦。更得到蓋同擘磨。原注君課孫
於水西精舍冬來寄我書一紙。

山水閒情注文史。商量補訂魏地形。正統分明晉

蘭言集

卷八

二七

鑿齒世間作者何紛紛。急於問世原難論。永昌先
有未見籍。季彥欲綜圖經文。若使其時急示璞。後
思改琢殊無因。康成箋詩悔禮注。此外餘子奚足
云。聞君復續叢書帙。亦期此意蒐羅真。博士猶有
字辨作。不識可否視前人。原注來札索所補正魏書地形
志余意先以小爾雅義證應之何
時面君談古義。相思先付南江雲。

余孝女行有序

女四川崇慶州人生數月父遣戍楚中母
以叩闈歸斃於道賴王父母存活之茲年
十一謀於舅入都訴御史臺父由是獲赦

歸余友朱蘭坡太史詠其事錄以寄余
感其誠同作一首

余孝女。西蜀人。我友寄新詩。字字為女寫其真。十
一歲。女究何識。乃自天南之天北。為父顛雪到柏
臺。森。虎豹當關開。云從父戍楚中來。湘纍沈寃
同可哀。阿母叩闕不復回。中道而斃已焉哉。趙
我祖力亦頽。阿舅携至黃金臺。御史列詞告
天子。

天子哀之釋其父。母兮不可作。父兮亦良苦。有淚
滴九京。有眼覩三楚。父兮歸來可久處。誰謂生男

蘭言集

卷八

二八

不生女。太倉令淳于公昔有此女。髣髴同未必。此
女年亦童。

喜洪孝廉 飴孫 過訪即送其之新安

前年訪君雲溪頭。雲溪水如雲浮。今年訪我黃
海道。黃海秋風黃峴老。我家舊在黃峴麓。四面山
光補天綠。偶然一株兩株楓。淡似秋霞隱修竹。三
間別業仙石峰。峰石劈破天無功。君家兩代開山
手。都為此石鬢蠶叢。

原注釋存先生曾登仙石峰作歌
詩紙猶存孝廉亦欲作歌繼之

淡墨

淋漓一百字。回頭愴悵十年事。舊夢猶憑雲鳥鄉。
新交又指花潭樹。喜君昨日訪我來。感君今日別

我去去去新安一路山多是當年舊遊處

原注丙辰秋余與樺

存先生同遊黃山取道於此

贈江上舍

潘一首

全家小住在雷塘。春色何由共一觴。忽漫題襟來漢水。便因懷筆問江郎。烟花明月皆新格。雲鳥青山此故鄉。便擬得閒同載酒。聞君高密許升堂。

原注上舍

本旌德人占籍揚州深于漢學自號鄭堂

江上舍

潘

以日前在魯太守銓筵上辨論說

文中五龍六甲之義因步前韻見答復疊

韻奉東一首

蘭言集

卷八

二九

偶拈疑義費商量。按席千言佐一觴。杜鄴書多堪作訓。子雲年少未為郎。戈操學海雖同室。幟樹經神自有鄉。聚訟千秋成故事。况君師陣本堂堂。

過涿州房山縣

流離水色滑如油。獨鹿山容淡作秋。陵寢金源何處是。

原注金太祖睿陵世宗興陵章宗道陵宣宗德陵並在今房山縣地

西風落日過幽州。

王慶麟字時祥號澹淵江南華亭人嘉慶丁卯

舉人所著有洞庭集八卷

澹淵苦心孤詣畏生新其自序曰叔文叔亭先生

老於詩者也以書來曰子詩若有異蓋梓之以質海內意異乎古乎不足存也異乎今乎又不必存也余將何以自信也耶然則澹淵之詩澹淵益自知之余錄其意義音節之不異乎古者

讀宛陵集

日對宛陵人。夜讀宛陵集。劃然截塵昏。焚香坐小
閣。簡澹有餘音。渾成無我法。意外道怪麗。苦心刺
眸。踈騷歌激哀。聲淋浪天地。濕當時六一翁。往
為君泣貴人學。吹噓良馬足。終畢坐看老。卑官秋
風乾。一蝶流落蛟龍甲。蠻女金絲壓掩淚。披殘編
荒城鼓三疊。

少喜誦公詩。恨不生公鄉。昨歲來江城。謂是前緣
償。沿門勾遺稿。百家無一藏。非關不悅學。公詩高
難量。佳人倚朱樓。捲袖歌春陽。眼尾有餘態。年少

蘭言集

卷八

三十

如風狂古妝。不媚俗零落。空谷傍馬。知冰雪姿。歲
晚貞孤芳。宛溪何湯。柏。楓。山。蒼。吟。魂。何。處。尋。
風雪霾荒岡。

題鄔斗華明府詩稿

真人長嘯白雪樓。滄溟之波咽不流。空同元美駿
螭蚪。虞山一叟黜其煩。揆眼大撼如虬。蟬詞場劫
運隨。傾湫百年起伏真。浮漚峨文簡。鳴琅璆天
風環。佩飄珠旒。氤氳別調傳。清喉四言譚。藝標鵠
侯草。間凡鳥敢啣。啾官高聲疾。良有由。雖然豈不
超詩囚。漁洋早受知。蒙叟晚迺推。刃相攻。讎益都。

譚龍森戈矛十盪十決窮。姦偷鯨鵬兩噉何時休。
袒王袒趙我從疇。鄔侯籍隸齊青州。門前海浪春
高秋飽看蜃氣青紅浮。鮫人跪捧驪珠售。珊瑚木
難錯襍投。先生顧笑隻手兜。我疑詩筆爭雄道。壯
浪縱恣酣貌貅。于鱗緒論工爬搜。江城聚首歲云
周。佳篇狎至供吟謳。空山梅骨清而幽。斷橋流水
澹夷猶。蟬蛻風露涼修修。神超韻遠天機遊。誦之
足使沈疴瘳。何必杜老歌髑髏。我為先生起牢愁。
坐晚神骨今誰儔。過去生中片念留。卮然坑陷儕
魚鱗。廿年斂版顏卑取。刁騷白髮已盈頭。家君薄

蘭言集

卷八

三一

宦升斗籌低。心年少朝三騶。茫。大海雙浮鷗。相
憐相慰神相謀。金春玉應清思籀。先生去矣心煩
憂。而今開口誰當訓。鄙人落拓饒愆尤。通家孔李
煩綢繆。吟哦十載羈塵緇。乞將詩法傳曹劉。公鄉
述作多前修。登高望遠撐孤眸。名樓影墮魚鳧洲。
琅邪尚有傳人。不誓將杖策齊東遊。超然臺下陪
鱣鮓。遺蹟一一從公蒐。
澹洲詩本不宗法滄溟但以斗華山東人詩學七子借此落筆以發文人相輕

之憤後幅乃情文相生令人愛玩不忍釋手

嘉熙御勅歌

宋朝畏金如畏虎。搏虎如兔有蒙古。金人眠宋猶

肥牛元人眠。宋直卧。鼠端平。初年獻金俘。君臣抱
火彊笑舞。闕端勁旅入文州。百萬軍民卧何補。無
庵居士老將軍。鶴山先生新開府。將軍忠勇控三
巴。大星斗落兵難武。開府江淮賜便宜。忽然勅罷
義何取。王夜又方擁重兵。藍面鬼正煽妖蠱。蟋蟀
平章撰福華。可憐葵范撐螳斧。朝廷用人如奕棋。
况迺區區一守土。嘉熙皇帝下勅書。激厲守土臣
姓杜。當時秉筆駢其顏。詞氣壯浪空檣拄。我來摩
挲三歎息。口誦心維手畫肚。旁觀笑問爾何人。好
事迺類劉原父。

勅今在寧國府儀門前宋嘉熙三年以勅知寧國軍杜範者也詩起處數語道盡當年情事

蘭言集

卷八

三二

福春

大海茫茫。此斷查天高地。濶迺無家中州。有女方
三五。一飯依人可歎嗟。憐汝苦遭饑歲亂。自言曾
啖沈家茶。低頭憫嘿淚如雨。從此飄零豈有涯。

大雪

欲問天公孰主。張空勞臘雪兆。農祥明年炊餅應
知大絕壑。枯飢那得嘗。傳道饑民多覓死。似聞下
邑已開倉。公堂鞭背方青腫。尚勝遺骸委路傍。
二詩皆以

古為律氣韻音

節有味外味

張履元字端甫江南涇縣人歲貢生今官震澤

縣訓導所著有蘇齋詩鈔

端甫幼有神童之譽年十
三八縣庠十四即為房考

某所欣賞力薦於主司幾得而復失後乃增登於名場者數十年
才人不遇可為惋惜初與家叔肖岩台岩及余同侍先伯祖星閣
公於城南古香齋中讀書朝夕唱和詩法杜韓縱橫馳驟四十以
後漸趨平淡自謂得古人正宗余索其舊稿堅不肯出故所錄止
此

西園

西園地雖隘。朗然塵雜屏。傍有半畝池。清駛盪素
景。惠風起文漪。遊鱗戲紫荇。花氣接鄰墻。參差弄
斜影。擾々蜂蜜喧。悠々晝日永。桑棗沃餘陰。菜畦
交秀穎。倉庚引其吭。清韻亦足領。性一物自瑩。道
愜言皆靜。俯仰以彌年。何須謀二頃。

蘭言集

卷八

三三

山月疾如人。隨人下山路。沿麓至清溪。月復與溪
遇。了然溪月光。吾心得所注。林莽散晶瑩。波紋盪
真素。徑轉明屢遷。機新理如故。靜悟學道懷。適愜
尋幽趣。夜久語聲希。餘光墮溪樹。陶韋
遺韻

泊溪西水漲

乍往僧庵去。俄驚野岸高。深山宵度雨。春水午平
橋。樹影連城淡。河聲達澗遙。晚來仍漾々。短艇恰

相邀。三四
自然

禪關

秋雨半晴霽。秋風蘇病容。開軒矚明月。流影滿長

松。霜落聞寒鴈。林疎納遠峰。幽情殊可遂。何事更扶筇。高格

題禪友畫梅

幽意竟何盡。東風吹又新。遠香如有夢。瘦骨不宜春。坐覺高踈態。偏憐骯髒人。禪心枯已久。恰寫淡中真。

馮震東字筠少號少癘江南滁州人廩生道光

壬午孝廉方正所著有養初堂詩集十二卷

少癘品端學粹清潔自修為滌士翹楚詩筆婉秀擺落俗塵與同鄉陳子愚俱為一州所推重

正月九日偕阿度遊醉翁瑯邪諸山

蘭言集

卷八

三四

久雨望新晴。曉起日光赤。眷念春山游。殷勤蠟雙屐。繞城清溪長。斷徑荒烟闊。草色媚遙汀。禽聲話林隙。岸柳舒春眉。塘冰碎寒壁。漸聞潺湲聲。沿尋醉翁蹟。荒亭枕溪曲。豐碑卧沙磧。古梅香寒香。枯林怒森戟。攜酒來游人。掃苔布茵席。題詩削竹青。烹茶淪溪碧。取逕劔雲根。攀蘿度山脊。身高氣益清。路轉境逾僻。古刹豁丹青。田家隱泉石。村尨不驚人。山僧解留客。從知天地寬。渺與風塵隔。會解煙霞綠。小築蓬蒿宅。清興寄遙林。歸途趁昏夕。阿度亦能文。談詩互成癖。行路忘遠。漠漠風生腋。

狂歌返茅檐。新蟾出林白。

花下酌酒

春風到處吹春樹。春色連年等閒度。開徧長安無限花。一葉一花成一趣。去年花落可憐紅。今年依舊醉東風。歲、花、顏色好。年、葉、剪裁同。年年歲、春常在。萬紫千紅終不改。天許繁花無古今。桃、那、止、三千載。濤聲東去何茫茫。西子湖邊人斷腸。紅袖誰家小兒女。青樓朱箔映斜陽。斜陽轉眼青樓冷。賸粉零脂誰管領。尚見湖干昔日春。不見菱花舊時影。芳時花色可憐春。逝水流光不待人。色塵香塵本非有。淨掃虛空莫如酒。花下欣然盡一壺。吳歌楚舞恣歡娛。年少不留自然老。不負少年老亦好。

宛轉悠揚
初唐風度

烏衣巷夜歸

山水久成癖。栖、向、晚、晴。人煙斷樵鼓。村落接荒城。葉盡風無勢。泉流月有聲。新詩紀行跡。端不負

平生。

第五語得
未曾有

送人入京

送爾難為別。蕭、天、地、秋。詩名虛白社。曉色渡黃流。鞍馬儒生拙。風煙客路愁。故人滿京洛。無復夢

同游。

同友人登掃葉樓

樓上秋風急。樓前景物凄。野煙爭樹出。落日帶城低。舊事滄江水。新愁斷埭雞。同人歸路晚。懷古共

留題。

唐音

出城

齋居苦岑寂。侵曉出城來。樹鳥忽飛去。山花方亂開。桔槔隄柳外。臺笠隴雲隈。喜得春風早。新秧昨

日栽。

筆意
瀟灑

宿昭慶寺

蘭言集

卷八

三六

夜氣侵人秋影空。孤衾如水卧西風。思鄉夢醒不知處。寒月一窓僧打鐘。

開林對野水。喜對春風早。涼絲吹
萬古苦寒涼。對知出嶽來。林鳥忽飛去。山花方亂
出嶽

留題

唐音

齋居苦岑寂。侵曉出城來。樹鳥忽飛去。山花方亂開。桔槔隄柳外。臺笠隴雲隈。喜得春風早。新秧昨

同友人登掃葉樓

同游。

蘭言集 卷九

翰林學士 趙紹祖 琴士 手鈔



江南涇縣趙紹祖琴士手鈔
男國楨孫同璋全校

潘際雲字人龍號春洲江南溧陽人嘉慶乙丑

進士官庶吉士出為霍山知縣著有清芬堂

詩集一十六卷

春洲篇什最富而句斟字酌於深穩爾雅之中頗露雄傑激昂之致五古胎源大謝

七古宗法盛唐尤為沉着有力真美不勝枚而集隘不能盡登也

集中有詢史恒齋大戴禮補注詩自注方輯學海百卷又有讀書詩云擬作西夏史以倣南唐書蓋不

僅欲以詩名也余雖老尚願拭目見之

讀書三首

讀書如登山所得各心領健者陟中峰其次岫與

頰前人雖已經我来又一境始馬謹步趨久之自

馳騁勿爭間道奇莫訝天梯迥不登太華巔豈見

長河影發此大願力裹糧升絕頂

是過來人語

經學或餽釘詞賦動剽襲為之不能久責效乃愈

急因噎而廢餐勇者笑其怯必先專一家其次則

遞及佛言乳與酪積久自融洽蜜以衆花成學當

無不習

方春象鳥鳴鳥鳴不一聲大小如笙簧聽之心以清天機各有觸燕不能為鶯鸚鵡剪其舌母乃非性成我得學詩法唐宋母紛爭要勿言人言乃能

怡我情。

起筆
起妙

戴溪舟行

入山愛朝暉。層巒滴新翠。岡勢遠若連。溪光澹相對。藉草憇林間。扣舷出煙際。芳渚澄春陰。遙峯雜雲氣。川塗溯滌洄。邱壑望深邃。眠鷗得靜機。飛鳥有遠致。沿堤雜花妍。近岸波紋細。何當塵垢捐。遂此烟霞志。日暮澹忘歸。居人候水次。惜無素心友。

慨馬寄遐思。

學大謝兼得小
謝清逸之致

由碧嶺至戴溪

層雲蔽高嶺。天宇澄晴空。脩竹隔岸綠。野花依澗

蘭言集

卷九

二

紅杖策石逕。滑躡屩丹梯重。飛鳥沒芳淑。夕陽下前峰。新蒲冒綠波。低蓬含遠風。天影暮逾碧。水烟寒更濃。石瀨滴暗響。溪光明晚虹。願終邱壑志。不憚朝夕從。懷人渺天末。茲游誰能同。迴舟望林麓。興洽終無窮。

題當塗令顧小圃

之

眇柯軒詩集

姑熟本名區。山水恣吟眺。伊昔謝宣城。來游領其妙。遙遙千載餘。此詣成絕調。顧侯美丰姿。早年名譽噪。崔蔡婉詞源。馬鄭探閭奧。挾策金門游。青衫負年少。虎闈毓英才。鳧舄領繁要。琴鶴隨行裝。烟

霞足詩料。好作越人吟。邈彼麗官笑。行縣何所携。
筆床與茶竈。峩峩太白樓。江光相照耀。采石截波
濤。舊壘足憑弔。江山對酒盞。雲水蕩吟權。不知是
長官。竒險無弗到。慨焉作浩歌。放手筆排冑。造物
作雕鏤。摹擬一一肖。書齋滋綠苔。琴堂發清嘯。詩
才賔從豪。經學門生傲。今年罷官居。高懷愈兀傲。
愛此翠螺山。講席羅學校。我來石白湖。清風一帆
峭。讀君新詩篇。佳處輒狂叫。竹軒深夜談。清樽明
月照。若問令尹賢。即此異俗好。清氣流行自然工妙

蒼雲石歌

原注石高大有尺宋高宗御篆蒼雲二字理宗時賜趙葵今在溧陽平陵書院

蘭言集

卷九

片石何時拔地出。眼前忽見此突兀。雲耶石耶遠
莫分。吹老秋風色成鐵。金書御篆鐫其巔。苔痕斑
駁青於錢。仇池洞穴不足數。亭、瘦影凝寒烟。南
仲功高上親賜。載石歸來起園第一。朶雲根落檻
前。遠山對之失。蒼翠晚香堂。開瀨水濱。原注趙南仲堂名當

年賓從此逡巡。歌欄舞榭都消歇。空餘竒石埋荆
榛。五百年來事如夢。巨牛移置齋前供。剩有殘詩
字半摧。原注石上刻詩甚多往蹟猶堪憶。南宋我思艮岳起。宮
中花石網船運。不窮銅駝相望沒。花草金人對泣
多悲風。此石如何未收取。留與湖山伴。烟雨東南

宰相樂偏安。不廣河山。廣園圃。吁嗟乎。玩物從來
莫繫情。林泉迴首。特牛耕石。不能言時代。更徒令
過客悲題名。跌蕩淋漓
據當以慨

唐明皇駕幸驪山圖

驪山翠色當晴空。車騎十里旌旗紅。仗前一路明
丹楓。大家初幸華清宮。內官兩行結束同。爐烟晴
裊香塵中。珊瑚珠勒氣如虹。妙選內廐名飛龍。太
真侍輦兩頰豐。左右宮扇青紗籠。願指力士俯而
從。顧盼秋水含雙瞳。五家各隊誇豪雄。朱輪華轂
馳西東。馬蹄隱隱車隆隆。其中八姨態尤濃。蛾眉
蘭言集 卷九 四

淡掃粧初慵。揚鞭馬上微曲躬。繡幃緩緩生春風。
明艷豈止如芙蓉。一人前尊控花驄。不問知是楊
國忠。離宮六六寒烟封。朝元閣下雲山重。紅牆繚
繞左右通。文瑤寶石雕瓊瓏。第二湯泉初浴。玉
蓮噴瀉波沖。灑貴妃落影。曾驚鴻。畫工到此難形
容。但覺意態含心胸。醉眼欲吸琉璃鍾。宮粧各執
絲與桐。觀者咸嘆筆墨工。我思圖史古所崇。藝事
以講同瞽矇。班姬辭輦稱女宗。婕妤義勇能當熊。
何不繪圖傳無窮。曲曲描寫兼能補畫所未及
而結以正論用意最為深穩

朱竹垞先生井田硯歌

雲根何時凝。入手活眼碧。千年泉液軟無痕。一片水蒼寒。欲滴。畫以井田耕以牛。彝尊銘字猶堪識。

原注銘云畫井地犁耕牛服田力穡乃有秋彝尊朱皆分書

先生當日南粵遊。羚羊峽口

時攜屐。端溪之水一里長。下巖為最珍瓊璧。紫雲蕉葉琢初成。腴比凝脂宜墨食。陸賈囊空祇此隨。梅市著書盈一尺。忽焉摘藻揆天庭。三殿揮毫得通籍。琉璃匣古貯槐廳。翡翠斑寒題省壁。彈章日下賦歸來。收拾行勝惟片石。先生出處判升沉。此硯常攜朝與夕。脫稿詩文萬手鈔。筆酣墨飽西窓側。曝書亭圮墓田荒。硯滴蟾蜍異今昔。我學公詩

蘭言集

卷九

五

三十年愧如邾莒隨。強國玉署曾為前輩人。迴風已歎神仙隔。著述徒懷千古心。簿書無復三餘惜。硯材不少斧柯巖。

原注硯譜端溪斧柯巖出者大不過三四指一兩可津液滴漉真難得之物

案頭

每致窻塵積。吁嗟人世摠茫茫。迴思往事都陳跡。安得如公手一編。松烟細研耽書癖。摩挲公硯讀公詩。剪燭不知窻月白。

後井田硯歌

有序

嘉慶己巳春余得朱竹垞井田硯作詩紀之。甲戌三弟琴軒在都中復購得井田硯有銘亦竹垞手製移書以贈且云於竹垞

有緣因賦此以志喜

有硯畫井橫庚庚。有牛掬角行畦町。誰與作此筆
為耨。方塘貯水涵秋清。竹垞先生有硯癖。家無半
畝書縱橫。粵東之遊動經歲。端溪石質珍瓊英。上
巖下巖別枯潤。玉帶金帶分光明。紫雲一片巧匠
斲。鸚鵡之眼天然青。先生曰嘻是可獲。鑿之以井
周圍平。曝書亭中八萬卷。石農坐老寒燈檠。前年
有客贈余一墨花。滴露光含星。琴軒嗜古類竹垞。
都門購得如璜珩。致書千里重相贈。故匣正值秋
窻晴。松煙乍試客驚顧。若釜塗蠟黏無聲。硯田得
耕。

蘭言集

卷九

六

春山採茶歌

霍山之峰三百六。仙草時時長。空谷東風昨夜雨。
初收。遙山一片春雲綠。五花七寶鍾精英。碧玉紫
筍多嘉名。中有瓊漿煮不竭。水仙著錄留茶經。上
已纔過葉初吐。漸、抽芽當穀雨。綠窻人比養蠶
忙。摘滿筠籃日未午。松風吹處聞茶歌。山山相應
清。且和一半帶雲半帶雨。歸來攤向庭前多。我聞

爾雅無茶字。莽飲之名起後世。周禮書成缺此官。不然掌茗何難置。又聞龍團鳳餅製作工。頭綱驛遞加黃封。佳名顧渚齊陽羨。風味於今漸不同。孰若仙芽產衡霍。銀針蘭蕊時抽萼。一甌應笑武夷濃。七盃咸啗龍井薄。春山初霽烟光明。無數晴峰繞縣城。訟庭花落吏無事。摘來試汲廉泉清。宰官方物例入貢。朝服親題題標。

上用尚有官銜達

聖聰蓬萊小謫真如夢

清和婉雅中自帶凌雲之氣

暹羅入貢歌 有序

蘭言集

卷九

嘉慶壬申暹羅國表請入貢 詔可乃以

八月至粵東十一月過皖貢使二員通事

二員鬼子十七名護送者粵省郡守別駕

總戎各一皖省郡守司馬各一余適宰靈

璧任供億之役作詩紀之

黃金寶璫一丈餘。三十二人肩而趨。嵌空千佛多

跏趺。其頂綴以光明珠。貢使二人乘錦輿。衣中華

衣。聲音殊譯。以通事同象胥。從官鬼子形侏儒。鼻

凹睛碧微黃鬚。沈香犀象裝百車。珊瑚火齊充門

閤。雜以私物權錙銖。

天朝遣官同馳驅。郡守司馬別駕俱。州縣驛遞相傳呼。先時發卒平道塗。峙乃芻茭傳人夫。行館供億固不儲。先驅鹵簿兼旌旗。護之出境行徐徐。皇帝御宇德覃敷。梯航萬里來。皇都海南暹羅特一隅。占風入貢精誠抒。吾

皇柔遠恩澤逾。不寶異物毋遠輸。以此感人入肌膚。小臣作宰當通衢。得觀盛典忘勤劬。紀詩以當王會圖。頌敷得體

京口

一葉瓜皮艇。乘潮疾似梭。大江春浪濶。落日遠山。蘭言集

卷九

多樓閣連京口。帆檣入運河。金焦遊未得。把酒奈愁何。

晚晴

野竹多依水。斜陽易上樓。晚晴山似畫。小雨室生秋。算劫初收奕。開觥乍舉籌。好風窗外至。蕉葉已颼颼。

琴溪

空山風雨夜。仙鯉上蒼冥。萬斛泉流碧。千年石骨青。斷橋初覆板。衰柳半遮亭。淺水魚苗活。遺丹尚有靈。

琴溪為吾溼赴府孔道石橋十一洞連亘二十餘丈嘉慶四年為大水衝圮時先伯先叔等方伐木山中乃以巨樹數十株編緝成

橋覆其斷屨。行旅賴焉。後得朱胡汪馬張諸姓合捐數千金修葺完固十七年。令弟琴軒來司涇鐸。見石橋虹。巨疑先生夜過所見未真。而不知為當時之實錄也。因詳注於詩下。以脩輯詩話者之一則焉。

題吳澹川明經文南野堂詩集

駕湖流不竭。文境想空明。身老看山健。家貧泛海輕。原注嘗容臺灣名心如水冷。詩思入秋清。我亦耽吟者。高

風。愜素情。第四語寫得黯然

晚行

倦馬嘶村店。飢烏啄菜塍。沙灘無定路。野渡有寒燈。樹暗烟初暝。風停水漸冰。郵亭何處是。借宿問山僧。

蘭言集

卷九

九

攝山

清池開遍白芙蓉。明月臺前翠萬重。藥草秋尋微雨路。江聲夜入最高峯。泉流尚繞三徵閣。雲影常遮六代松。長老具餐蔬筍熟。閒身來聽佛堂鐘。

西楚霸王墓二首

帳下悲歌黯戰塵。英雄心事向誰陳。美人灑淚成花草。詞客留題動鬼神。原注用杜默事三戶同仇幾復楚。一生快意僅燒秦。空餘魯國城難下。猶為重瞳作義

民。第六語亦復快意

拔山扛鼎竟如何。不向鴻溝躍馬過。百二河山秦

地盡八千子弟楚聲多。沐猴已失關中險。逐鹿空
聞帳下歌。只有豐碑臨大道。穀城日暮客摩挲。

過隨園有感

文章早歲即登瀛。解組林泉有盛名。卿月使星皆
後輩。美人才子半門生。六朝花草供吟賞。一代風
騷賴主盟。我到隨園增太息。蕭蕭寒雪黯江城。

城南有官池。大五六畝。余命沿堤植柳五百

株。蒔荷其中。系之以詩。

數畝池塘翠色侵。蒔荷插柳趁天陰。一官聊試栽
花手。十載當思種樹心。候得春泥三徑滑。量來新
蘭言集

卷九

十

水半篙深。放衙無事應常到。喜有清風滌素襟。三四
有味

寄都中諸同年

一別長安二載餘。故人問我近何如。尚存風骨因
科第。漸減詩才為簿書。載酒芳園憐小飲。篝燈深
院憶同居。祇今讀律愁無暇。不敢摘毫賦子虛。
非復當年對酒時。慣持手版學驅馳。壺盧長柄憑
人問。壘菜多酸任客嗤。日下聲名真噉餅。天涯鬢
髮况成絲。屋梁月落思君切。魚雁書來莫恨遲。

小長干

郎行久不歸。時向江船問。但使夢中還。勝得空書

信。

謝公墩

鍾山脚下有殘垣。介甫當年此築園。斜照滿林誰過問。居民尚說謝公墩。

張炯字季和號惺齋江南宣城人諸生嘉慶丙

辰孝廉方正著有初枕集三十卷黃山紀遊

一卷

惺齋工篆刻善八分耽情詩酒好客不倦有子才而早卒
鬱成疾文人之遇未有困於惺齋者也詩法承其家學
本尚才華晚乃漸趨平淡
茲集所登多其早年之作

贈陳愚亭蕙送其遊松江

端人如名山。不招而入室。對之生靜心。漸覺換凡

蘭言集

卷九

十一

骨獨處古所陋。君子貴類族。十月初陽生。天心于此復。見面不見心。畫馬惟畫肉。愚亭來何遲。清勁絕鄙俗。立身先其大。術藝皆節目。坐井忘天空。放眼失地軸。將作雲間游。大笑欲捧腹。去住隨吾緣。趨避徒結束。風勁空江寒。梅香襲衣服。袖此敬亭雲。琢彼崑山玉。

贈汪大禮堂

禮堂外形骸。一見遇我厚。七月來皖江。懽然互執乎。招之來松齋。調冰復剪韭。時、款我扉。問我加餐不。落葉秋風號。敝袍不掩肘。解衣笑開顏。勸酌

黃花酒。高義薄層雲。且以及我友。林茂鵲營巢。水
深魚麗鬪珍重。車笠交。何以報瓊玖。

題吳虎山家山圖

我生愛山勞咏鞍。逢山便當家。山看揮毫潑墨者。
誰子使我置身敬亭蒼翠之高寒。羣峰羅列等屏
嶂。傾流一線翻輕瀾。微雲漠漠塔孤峙。遠樹變
鴉初攢山。靈亦似戀斯土。欲住母乃鄉園安。吳君
妙年好習靜。卜築占斷晴煙巒。南瞻霧起飛翠幙。
東觀日出跳朱丸。有時好風打檐竹。清如雜佩聲
珊珊。有時急雨注溪谷。怒如萬馬鳴蹕蹕。有時熙

蘭言集

卷九

十二

微淨天宇平。田確耕春殘。放歌響落飛鳥外。得
趣不減除痂癥。寫將一幅落君手。此景此意憑誰
觀。憶昔壯遊適楚粵。南嶽拄杖窮巒岈。桂林獨秀
峰直上。頽然一醉吾先拚。奈何夜夢到鄉國。江城
渺渺摧肺肝。只今入門纔十載。窓前衆鳥舒高翰。
又思舟行瓜蔓水。去尋滄海驚洪湍。原注將有海陵之行披圖
似警遠。行客青螺爭拭如追歡。詩成一笑各歸去。
山中菜甲堆春盤。後半意興勃勃有神迴氣合之妙

晉埽詩為謝蘊山方伯賦

十年前踏西湖路。萬瓦魚鱗壓春樹。秘書省畔普

薇紅典午遺蹤已非故公從何處得此塼永平永
興字刻露六書部頭攷說文塼者為園以土附甌
鬲簋豆甑庋盆陶旋羞被火齊誤五鳳二年出池
中或石或塼費詮註陽朔尉府壺壁遺伯寧叔文
建初作更有永初大吉羊西蜀苔蘚沈烟霧摹勒
篆籀與八分重之不减黃金錯安期楷法先右軍
筆力直使蛟龍妬晋惠紹統十七年改元凡八屈
指數洛陽長安金鏞城歲々馳驅玉輦駐當時宴
封吳郡王甲第連雲制無度垣墉黜聖糜金錢塼
埴之工自朝暮肉糜難飽蛙聲空銅狄摩挲莽回

蘭言集

卷九

十三

互自從官舍開屏藩檻外周迴兩三步寶物豈肯
埋荆榛八法波磔分明具云誰得者胡徵君度掘

土早釋藤癭怒我公拂拭盛研田筆落鍾王字如

鑄玉堂射策曾幾時日影花塼銜鳳味元白同登

詠霓裳乾隆辛巳公與伯元涵齋同榜年華轉燭何能住軒車再到東

越東書舫初成八磚布放衙瓦鼎新茶煎弄筆銅

瓶活水注登登響榻靜晝聞歲久母乃鬼神護吾

生亦好剡苔求宣州金石稽竹素竭來攜研容金

陵芝英鶴頭希一遇天發神讖尋偏傍為訪羲獻

勞雙屨碑今在邢園瞻園之東普生泉井欄土花桐葉雨

瞻園有宋淳祐
普生泉隸書

其餘斷碣瓦礫場。漠漠遙天下羣鷺。又

聞城西巨石橫。大道車馬多塵污。不知何人曳碑
倒。螭紐脫落寒冰沍。望公節鉞移三江。長繩百尺
千夫怖。秣陵建自晉太康。搜剔一洗蟲生蠹。試與
八研同羅陳。愛問六朝忘歡哺。歐趙洪薛補鐫華
嗜古如斯結。遙慕長江江水如潑油。烹鯉喜得相
酬句。才薄難成石鼓歌。高誦公詩叶韶護。
走筆放歌極似蘇長公

同僧鐵舟兄靜圃訪濟庵刺史舟中

興為高人起。帆衝曉色來。驛梅臨岸早。畫舫出江
隈。雪帶蛾眉秀。窓臨夏口開。此中忘去住。落日共
蘆言集

卷九

十四

銜杯

舟泊湘潭

岸遠船爭聚。檣遮樹欲無。市中隣火接。夜半酒家
呼。風勁知將雨。潮來識近湖。湘南秋氣早。聲已滿
蒲蘆。
老健

和劉保孺見贈韻

白沙江上賦閒居。碧眼還能辨魯魚。種樹好遮三
畝宅。扣門惟借一甌書。縱譚往事猶如此。快把新
編獨念余。記得驕兒初問字。抽簾益炬屢停車。

遊黃山途中雜詩

江城昨夜入秋風。布襪青鞋興不窮。卻共閒雲初出岫。不知身繞萬山中。
天都峰霽衆山開。縹緲仙蹤訪石臺。萬派潮頭平地湧。無人知是暮雲來。

野菜

郊原着雨土膏浮。菜把筠籃取次收。此味何曾曾識否。佳名爭問馬蘭頭。
丰致絕佳

童天育字犀臺江南銅陵人廩生嘉慶丙辰孝廉方正今官寶山縣訓導著有姑山客樵吟

犀臺詩阮爽俊邁如其為人

蘭言集

卷九

十五

山上行

楓樹生我山。其風何淒淒。人情有冷暖。受者乃知之。伏寇起我側。白骨銷言辭。當君初出門。妾情甘如飴。今君竟不歸。想念傷肝脾。君不知我悲。夜深豈無思。莫以慷慨故。棄置妻與兒。莫以萑稗賤。棄置梁與粢。莫以麻枲賤。棄置錦與絲。行亦復苦悲。居亦復苦悲。異地風早寒。木葉何紛飛。願聽歌一言。久客不如歸。
拉雜無端 曉有古意

姑山行和施愚山先生作

石泉手汲炊松枝。
原注先生句先生回首在山時。我會作

客來居此。此景時時自遇之。讀書三更。四更靜。童
僮僕。儻。鼾聲競一瓶。一汲生。鑪鑪蟹眼。松風辨且
聽。更覓林頭有餘醪。獨倒銀尊佐清醒。手把先生
一卷詩。高唱千山萬山應。先生作達垂高名。還賦
羈愁別恨情。而我嘗到此中趣。一讀兩腋清風生。
此時北斗沈西閣。清風浙浙動簾幙。山鬼吹燈學
人語。崩崖怒石懸空落。酒罷茶乾傲兀坐。人生蒼
狗馳雲過。他年一作天涯行此景。又被煙霞墮。不
然磨滅飛塵埃。身為黃土名為灰。安得先生在人
口。清辭麗句使我懷。擊碎唾壺發浩歌。振衣起舞

蘭言集

卷九

十六

影婆娑。百年俯仰能幾何。眼前哀樂胡為多。

禽言

姑惡。姑何惡。白髮五更起。紅顏睡到日沈閣。姑憂
家爾不操作。姑惡。

稽古稽古。人自聰明我自魯。眼前六經認不得。口

誇天祿琳瑯府。有魯魚。有帝虎。

禽言詩最難得佳
此二首尚有意味

贈冉容圃少府歸養黔中

落木蕭蕭。動地寒。驪歌唱起調辛酸。由來至性勤
將母。肯為浮名久。戀官巫峽三冬愁積雪。洞庭尺
水撼狂瀾。鴈行不到衡陽外。欲寄平安一字難。

寄張二靜圃粵中

原注時靜圃
參謀戎幕

當代勲名仰上公。賓朋履舄盡英雄。戈鋌赤洗蠻
江水。翰藻春迴瘴嶺風。但使飛鴻安樂土。漫勞射
虎上軍功。屯邊課稼儒生事。一紙秋林盼遠鴻。

沈雄體裁

吳鳴球字虞九號復齋江南涇縣人歲貢生著

有復齋詩鈔雪蓬吟

虞九七律不為錚錚之響而
清和婉雅恰得自然之妙

薄暮溪口放舟宿上坊渡

養疴經歲時。只在中山住。魚緘百里來。有約我將
赴家人。束行裝。僕夫擔文具。既嫌車馬煩。頗愜煙
波趣。木落斷岸高。嶺銜夕陽暮。去舸紛招呼。來山

蘭言集

卷九

十七

失指顧舟師。夜放灘滅燭。立霜露。篙聲水聲雜。一
線辨。河路亂。石船底。喧觸處。有餘怒。利害爭。湏臾
境過心。猶怖。夜深風轉嚴。飛霰已凝素。星星漁火
明。隱隱鴈行度。蓬艙擁被眠。靜索枯腸句。聽打水
西鐘。知到上坊渡。

情景逼真
用筆如繪

秋夜聽雨

輾轉頻欹枕。難眠是此宵。衣憂兒女薄。路念故人

遙。

原注時醒敏甫
挈眷赴涼州撫劍嗟遲暮。微吟破寂寥。寸心已百

結。况復有芭蕉。

東孫二天柱

故人久別定何如。一紙曾煩問起居。病後生涯丸藥鉢。貧中事業種花鋤。最難老母加餐飯。卻喜癡兒愛讀書。咫尺思君不得見。滿城風雨上燈初。五六入情

小築

阮囊何必定留錢。更傍吾廬築數椽。可惜占些栽菜地。還思讓出養花天。溪山好處多開牖。雞犬歸來半在田。除卻素心閒過話。室中一榻只高懸。好句如仙

清弋江雪後漫興

昨夜河干雪壓篷。朝來晴日愛瞳矇。舵頭欲轉催收纜。帆脚徐牽好使風。凍犬吠船村落過。鮮魚出

蘭言集

卷九

十八

網午庖充尋常一樣。江天景纔入詩囊便不同。琢句細膩

元夕有懷程樞部也園卻寄

銀缸照我憶長安。別後雲泥會面難。明月正當今夜滿。新年重檢舊書看。北瞻紫禁鵷行肅。南向青山鶴夢難。種樹已營園半畝。春風速為掃輕寒。

落花與家雲樵同賦

迢遞高樓玉笛橫。苔痕淺處點殘英。紅顏怕近哀年景。白眼從知末路情。掃去地留春一片。飛來魂返月三更。依然酌我樽中酒。今日如何醉不成。輕陰漠漠覆庭除。回首風光不似初。開到十分綠

已盡去無一語恨。何如路傍青草香埋處。枝上啼
鵲血濺餘。早識韶華容易老。秋江底事怨芙蓉。宋人

題多落窠。此二首用意深婉。蕭然在筆墨之外。勝從前名作多多矣。

送慕堂弟北遊

怕捧離筵酒。一觴匆、折柳促行裝。倦遊我為親
年老。送別心隨客路長。此去風雲瞻北極。有人
春草夢西堂。柏臺世澤如能繼。不負書田菽粟香。

晚泊關口

竿頭風影布旗偏。殘臘關津又泊船。胥吏驗單來
故緩。賈人輸課喜爭先。半鈎瞥見初三月。快雪時

蘭言集

卷九

十九

晴。二九天。索共梅花開口笑。野橋江店是因緣。

吳文炳字虎臣號柳門江南涇縣人乾隆乙卯

舉人官蒙城縣訓導著有香雪山莊詩七卷

王偉人先生曰吳生詩寄託深遠隨所感觸無一非性分中語
錢竹汀先生曰柳門天才清逸年甫三十而詩滿都下法梧門學
士贈之詩以小謝相
况一時以為知言

途中感懷

券驢走風霜。鹿逐緇衣損。白髮在高堂。憂寐思繡
絳。枕衾積淚痕。况乃值歲晚。甘旨缺晨昏。天涯胡
不返。昨日接家書。轉教兒加飯。
擗篋有五人。形影分四處。一弟黃金臺。一弟桃葉

淚。兩弟侍嚴慈。我獨嗟行路。壯志苦何期。天涯靡
去住。忍乃骨肉親。增以別離苦。夜來風雨聲。燈下
涕無數。

明月上高樓。商飈動帷幔。中夜敲秋砧。遙盼南飛
鴈。寒衣寄未成。雪花飛瀰漫。狂夫衣肅霜。尚未酒
家換。可憐兒女情。十倍征人歎。料得屋角梅。寒萼
紅欲綻。無人共聽雞。空賦明星爛。數詩皆真
摯入情

憶黃嶽

峭壁出白雲。忽然浩如海。野鶴一聲鳴。瑤光散五
彩。霖雨作何時。早有蒼生待。

蘭言集

卷九

二十

振衣天都峰。絕徑繞林杪。天光望欲低。遠際沒飛
鳥。舉首摘星辰。不知衆山小。
容谷有溫泉。丹砂流炳炳。塵垢一洗清。胸期無俗
境。只恐風塵中。肝腸如冰冷。
看山如讀書。久讀得其間。一日看一山。山山皆貫
串。來往不逢人。白鷗時顧盼。

登靈巖山

我生登山不用杖。一趨三百六十丈。半空石鼓扣
天門。彷彿雲中導獅象。脚跟轉高望。轉低振衣疾
呼四山響。嶙峋遠觸祖龍鞭。芙蓉倒劈巨靈掌。當

年闔廬此種香。卧箭橫斜徑。迴往麝媒十里美人。
來綺羅幸邀君王賞。硯石山邊館娃宮。江南弄合
追雙漿。誰識蛾眉往事空。飄零金虎風蒼莽。一片
空明望太湖。練影橫拖烟霧蕩。

起筆突兀令人
增許多意興

江口野泊

四野人煙少。寒蘆苦竹繁。斷橋通小市。漁火出孤
村。鴈墮霜無影。潮低岸有痕。譙樓更鼓起。又是一
黃昏。

新霽

天光青不定。雨過鳥聲閒。樹密疑無路。雲移忽見
蘭言集

卷九

二一

山荒村開晚照。野水漲前灣。跨犢誰家子。風前一
笛還。

春日漫興

半月晴還雨。青青柳色斜。山桃開野塢。江燕入人
家。天氣寒宜麥。風香午焙茶。只今重置酒。未厭話

桑麻。

質高
雅

空閒江上

一棹歸何處。重雲撥不開。岸低潮正上。帆重雨初
來。野草憐秋老。飢鴻向夜哀。頻年心未競。可奈角
聲催。

岳陽城樓晚眺

大風吹落葉散入洞庭秋天黑雲無際波平月不流寒烟凝楚野夜氣逼城樓獨客思千里憑高擁

敞表高

卜居圖為翟煙樵題

碧瓦參差竹繞烟滿園花柳待鶯遷窓開活水瀠
泗處門對青山斷續邊卻喜能容八九口何妨且
住兩三年杉皮亭子青苔徑便是詩天酒地緣元人風致

齊雲山寺

半山雷雨半斜曛一色芙蓉朶分巖瀑陡從天

蘭言集

卷九

二二

外落寺鐘高出樹梢聞上方六月猶留雪下界千
層半是雲口默楞伽松際坐梵風吹散佛爐薰寫景如繪

然非老於遊者不能知也

正月四日得胡黃海廣文東作詩酬寄

殘臘征途苦雪霜梁安又報厄行裝原注東詩云逆旅正愁生白髮偷兒何苦

要書
龜詩人所遇窮偏好才子歸官冷不妨三載篝燈

勞遠夢一函風雨話尋常窓前昨夜梅花發寄我

吟賤字字香

天冠維揚見鴈懷陳黃坪鄧尉山兩孝廉平民不

雨過黃雲作陣輕滿林楓葉淡紅生江深草閣宜

秋興。夢破孤舟。奈鴈聲十二橋邊。明月色三千里外。故人行尺書欲作雙魚尾。目斷天涯寄不成。

屏風山陸宣公墓下作

萬里登臨淚滿襟。宣公墓下白雲深。可憐詔下山南日。盡是山東叛卒心。弔古詩能舉其大名論不列

吳鷺字鳳白號蓮塘江南涇縣人嘉慶戊辰進

士官崇義知縣著有必悔齋集都昌詠古江

西詠古諸詩

柳門詩以夷猶容與勝鳳白詩以議論雄傑勝可謂難弟難兄

王文成公紀功碑

原注在廬山開先寺中即今秀峰寺

我來開先寺快登讀書臺。盎然墨池前石壁千尋

蘭言集

卷九

二三

開堂堂都御史。大筆垂八垓。宸濠兵犯關。東下堅城推。倉皇賊巢覆。皖口飛帆回。逆擊鄱陽湖。一戰沈喧。六師如霆震。不殺神武恢。官屬左方列。獻俘誅渠魁。叙自己外。後而迄庚辰。來百有五十。字字大義該。私人任受謗。飛語難侵災。九華但宴坐。中貴徒疑猜。或以覲覲譖。或以邪異哈。見。消。雨。雪。釀。蘖。無。醇。媒。儒者三不朽。舍公其誰哉。萬古敷淺原。時聞天池雷。

崇義縣

原注在南安府一百二十里前明韋賊謝志山等據橫水左溪桶岡為亂王文成公討平之始置縣

萬山摩雲起。萬水懸巖落。羊腸太古盤。牛尾五丁

鑿民徠俗雜居。楚粵牙相錯。虎蹟印郊墟。瘴氣彌
洞壑。時鳥流變聲。野花發奇萼。一日經春冬。氣候
嶺嶠若考厥。設縣初文成。廣經畧。輦賊肆跳梁。一
鼓俘醜惡。地割三邑成。原注本上猶南
康大庚三縣地縣以里名託。原注
本上
猶縣之
崇義里大難一削平。至今歌利樂。翳余肩輿來。風流

仰如昨。官箴八字垂。聞過求民瘼。廟貌瞻歲時。俎

豆薦烝禘。臣心凜飲冰。臣門空羅雀。撫字豈憚勞。

除強安穉弱。原注嘉慶十九年邑有姦
民惑衆余請於大吏除之五載役於斯。自顧

才力薄。朝發聶都山。暮辭橫水郭。行行重行行。翹

首朝陽閣。原注縣署內閣名
硬語
相銜一結殊有依依之意

蘭言集

卷九

古意

出門莫上相見坡。回頭莫看相思樹。樹傍坡上行
人多。何人識向金徽戍。朔雲邊月夢春閨。白草黃
沙風滿路。一回相見一相憐。苦恨紅顏不如故。

寫韻軒

原注在南昌府城南惠民門外紫極宮內府
志云唐太和末吳彩鸞寫孫福唐韻於此

西山萬疊排。豫章弄玉跨鳳來。翱翔西山三百環。

建昌彩鸞入。觀歌低昂。吳娃彷彿秦女意。文簫恰

與簫史當。惠民門外城南莊。居民齒頰傳芬芳。自

言家住修水傍。塵心下謫鍾陵鄉。繡襦甲帳冷不

煖。孤鸞匹作雙鳳凰。度度炊斷樓裂裳。阮郎切勿

羞空囊。作書為學李衛晉。寫韻紛傳孫愐唐。當時
善女唐宮楊。心經寫為三郎藏。飛燕倚罷更無語。
巫山不復催新粧。碧玉偷嫁汝南王。鈿車私下杜
蘭香。飯後胡麻憶仙子。甌前玉液求裴航。人間天
上兩茫茫。牛郎織女星微煌。瓊臺銀漢水不隔。仙
緣豈必無翹網。吳仙况說孝行長。三清家法傳堂
堂。隨車弟子各仙去。何來弱女啼鸞岡。癡雲千載
春風場。藥山藥粒誰親嘗。偶吟坡老詩。謾狂小姑
前年嫁彭郎。通首隱約結乃微露其旨
用意似昌黎之詠華山女

灌嬰城

原注在南昌府城東漢潁陰侯討定南方築此南昌縣
志云孫權觀灌城遺蹟指某處當開一井開之得古砌

蘭言集

卷九

二五

下有石識曰此井開三百年而塞塞百年而遇
應運者後開權喜因移豫章於南昌以總列郡

淮水提戈渡長江。飲馬來襟喉。吳楚會雉堞。豫章

開百戰威名在。重湖落日催井泉。風不動。原注灌嬰
井銘云見

風起水
輒動銘語莫疑猜。

羅昭諫墓

原注在都昌縣西十里
大磯山尾羅星墩上

天涯到處說江東。疑塚纍纍兩地同。原注余邑亦
有羅隱墓名士

風流科第外英雄。霸業笑譚中寒郊一段鳴。詩意

瘦甫平生獻賦裘。先達行藏誰得似。百年相望有

司空。議論精
確不磨

喻文整字石農湖廣黃梅人歲貢生所著有石

農集

大別山謁禹廟

星宿俯南紀。滔、江漢心。洪荒誰涕淚。大別此登臨。草昧冠裳古。蛇龍窟宅深。豐碑遺蹟在。落日未

銷沈。清健

汪廷桂字瑤甫號古香江南歙縣人廩生

古香工書得董

香光筆意尤精篆刻詩不多作姚惜抱先生稱其七絕風調最近漁洋

懷王初村

荻花如雪舞秋風。斜掛征帆我欲東。漫說十洲三島遠。有人吟嘯翠屏中。

蘭言集

卷九

二六

顧鶴慶字子餘號岷庵江南丹徒人諸生所著

有偉雲堂集

岷庵畫入逸品詩亦清超絕俗法時帆先生稱其與王柳村豫張寄槎學仁為京口三詩人惜

未見其全稿嘗客都門作驛柳詩一時名士無不屬和人稱顧驛柳

湖上晚坐

明月不到處。湖雲一半陰。長空忽倒影。天與水俱深。波遠動如掌。晚涼清到心。還期澹游者。於此開

幽襟。清逸

雨阻上方廣。寺次芸臺先生夜宿藏經樓韻。阮公高詠處。寤寐一樓清。五日臥煙雨。幽巖不肯明。雲松低塔影。谿石亂經聲。采藥重來日。應深夙

世情。

沈模字循士號範庵江南涇縣人諸生所著有

嘯月山房詩鈔

尋梅

東閣春初動。騎驢早出門。憐予寒澈骨。對爾淡忘言。月挂香生雪。雲橫水遠村。高空誰繪得。獨立到黃昏。

宿崑山龍澗寺

盤空直上軼塵氛。古寺棋聲隔院聞。秋老木凋千嶂雨。夜寒身宿萬重雲。龍池浪逼星辰近。螺黛屏

蘭言集

卷九

二七

開紫翠紛。傳道回光霞散錦。曾從絕頂候斜曛。三四

新葺茅屋

編茅小築兩三楹。恰喜門臨水一泓。綠竹疎栽通月色。青松廣種接濤聲。芹羹錦帶晨餐足。紙帳梅花夜夢清。窓放雲飛山入座。幽棲權當上蓬瀛。

吳敬恒字愛庭江南涇縣人嘉慶丁丑進士入

翰林官編修所著有荆樹山莊集

雨泊邑城望水西諸山

看山人喜晴。我獨愛煙雨。雨氣散如絲。煙光織如縷。林巒互濃淡。樓閣半吞吐。天風時一來。忽現雲

中樹幽谷含青蒼。懸巖敞牖戶。羣峰自西來。歷歷
紛可數。須臾陰翳生。勢復連洲渚。始知山水情。變
幻靡定所。柁樓人晝眠。不覺日亭午。各有所得因乎其
時正不必一致耳

暑雨

雨歇不知暑。天光如此清。夕陽牛背下。新月樹頭
生。室暗螢先覺。苔深蚓亂鳴。涼風滿郊甸。蕭灑適
余情。三四
自然

京口

勝跡推京口。登臨感慨生。秋風摩鶴影。寒雨助江
聲。烟鎖南朝寺。雲屯北府兵。興亡懷舊事。六代劇
蘭言集

卷九

二八

閨情

陳濤字廣陵。江南滁州人。嘉慶癸酉舉人所著
有雨聲閣詩鈔

瓶梅圖索題

我昔愛梅如愛書。擁書萬卷梅千株。手倦拋書卧
梅下。參橫月落梅如畫。天釀微雲動泱甸。與君醉
擷疎籬春。數弓老屋窻半啟。暗香浮動當黃昏。別
來君作西湖客。貧病依人歸不得。我亦棲遲闌闔
間。眼前清景都蕭瑟。歲聿云暮朔風起。君歸乃在
冰霜裏。袖底携將尺幅來。補之花光費我猜。定州

磁瓶白於雪。羅浮嫩蕊清無埃。我觀斯圖世莫匹。
云是真源道人筆。原注圖係中州僧性謙筆道人善寫生枯枝。巧
奪造化回春遲。偶然涉筆皆成趣。胸有千株萬株
樹。一枝春向隴頭分。紙上濛濛起香霧。碧天雨過
朝暎紅。墨痕花氣交相融。為君展玩賦長句。夢魂
宛在孤山中。落筆超然以下自然流出更不費力

經以達嶺

匹馬行將倦。茲途信未經。城臨山勢迫。天陷石痕
青。積雪埋村店。炊煙繞驛亭。勞人何所恨。生計愧

浮蘋。天陷石痕青五字奇特

蘭言集

卷九

二九

青棘雪壓樹。石磴野橋橫。人向水邊立。信對
五馬首。林樾松蘿。雲霧。天陷石痕青。

經以達嶺

陣烟迷墨象。外塵交時編。高舉鬼神身。白鶴
傲一林。春向隴頭分。紙上濛濛起香霧。碧天雨過
朝暎紅。墨痕花氣交相融。為君展玩賦長句。夢魂
宛在孤山中。落筆超然以下自然流出更不費力



